

豫河續志

陳善同題  
卷十九

豫河續志卷九

沿革第二之九上

文武員弁

兵夫附

治水之官尙矣少皞氏有子曰脩曰熙相繼爲玄冥月令曰其神玄冥左氏傳曰昔金天氏有裔子曰昧爲玄冥師生允格臺駘臺駘能業其官舜命禹作司空使平水土命益作虞以掌山澤司空之職至於周末改周禮又有川衡澤虞春秋各國尙有虞人秦漢以來有都水之職主灌漑陂池保守河渠太常三輔皆有其官武帝尤重之增左右使者使統其任而居其事者莫不明於禹貢之學劉向平當其尤著者也

劉向以知書爲三輔都水都尉平當以明

禹貢領護河隄

又有水工之徒以佐知其利害自是之後名稱益繁兼

及文武文圖方略武司工程分任其勞合奏其績歷稽史傳以溯其初俾覽者有所考焉

歷代官制及名稱

漢之水衡都尉本主上林離宮燕休之處有丞五人後漢光武省之併其職於少府每立秋軀劉之日輒暫置水衡都尉事訖則省凡都水皆罷之河渠隄防之職不常設官有事則置事訖則省

河隄使者 漢宣帝時以王延世爲之

治河專官始見於此

按武帝元光中河決瓠子使汲黯鄭當時與人徒塞之皆以他官兼領非專職也地節中光祿大夫郭昌使行河亦然至王延世乃爲專官矣

主簿 漢王尊爲東郡太守河水泛浸金隄尊率吏民投沈白馬祀水神河伯請以身填金隄因止宿隄上吏民數千萬人爭叩頭救止尊終不肯去及水盛隄壞吏民皆奔走唯一主簿泣在尊旁立不動而水波稍卻

主簿之名始見於此

河隄都尉 成帝鴻嘉四年河水溢河隄都尉許商與丞相史孫禁共行圖方略

使領河隄 哀帝初平當使領河隄

長水校尉 王莽時有長水校尉平陵關並

將作謁者 明帝永平十二年夏四月遣將作謁者王吳作汴渠自滎陽至於千乘海口

河隄謁者 順帝陽嘉三年河隄謁者王誨

魏亦有水衡都尉主天下水軍舟船器

按此雖水部之官而非專掌河務

晉武帝省水衡置都水臺有使者一人參軍二人

蓋亦丞之職任

掌舟

航及運部而河隄爲都水官屬有參軍二人謁者一人元康中

復有水衡都尉

元康百官名及晉起居注曰陳慎戴熊俱以都水使者領水衡都尉

江左省河隄

都匠中郎將 晉武帝泰始三年遣都匠中郎將河東樂世帥

衆五千餘人修治河灘

都水官 晉華嶠奏浚導河渠巡禹之舊迹置都水官事多施

行

後魏有水衡都尉及河隄謁者都水使者官

北齊亦置二使者

司水大夫 小司水上士 後周置

都水監 都水少監 隋廢都水臺入司農尋復置爲監煬帝  
加置少監並爲令領舟楫河渠二署

都水令 都水使者 唐置都水臺後爲都水監置令隸將作  
貞觀中復置都水使者二人分總其事神龍元年不屬將作  
領舟楫河渠二署

五代史無職官志晉天福二年四月詔今後沿河逐處觀察防  
禦使刺史等並兼河隄使名額任差遺選職員分勞勾當有隄  
堰薄怯水勢衝注預先計度不得臨時失修防護

河堰牙官 五代史唐臣蕭希甫傳河堰牙官李筠告本軍謀  
反

宋都水監判監事一人同監判一人丞二人主簿一人掌內外

河渠隄堰之事輪遣丞一人主外治河埽或一歲再歲而罷其間有諳知水政或至三年者元祐時南北外都水丞依元豐法通差文武官一員凡河防謹其法禁歲計芻槩之數前期儲積以時頒用各隨其治地而任其責興役以後月至十月止民功則隨其先毋過一月若導水溉田及疏治壅積爲民利者定其賞罰凡修隄岸植榆柳則視其勤惰多寡以爲殿最南北外都水丞各一人提舉官八人監埽官百三十有五人皆分職任事

河隄使 宋太祖乾德五年正月詔開封大名府鄆潭滑孟濮齊淄滄棣濱德博懷衛鄭等州長吏並兼本州河隄使

河隄判官 開寶五年三月詔自今開封等十七州府各置河

隄判官一員以本州通判元如通判關員即以本州官充

巡河主埽使臣 太宗淳化二年三月詔長吏以下巡河主埽使臣經度巡視河隄

巡河供奉官 淳化四年巡河供奉官梁睿請於迎陽鑿渠帝許之

轉運使 轉運司 都轉運使 真宗大中祥符八年京西轉

運使陳堯佐議開滑州小河分水勢遣使視利害以聞又仁宗天聖八年詔河北轉運司計塞河之備又嘉祐五年七月都轉運使韓贄言四界首古太河所經即溝洫志所謂平原金隄開通大河入篤馬河至海五百餘里者也乃上四界首

二股河圖



修河鈐轄 真宗天禧三年河決滑州命鄧守恩爲修河鈐轄  
又仁宗慶曆中張惟吉修河都鈐轄

修河都監 仁宗天聖初議塞滑州決河以張君平習知河事  
命以左侍禁簽書滑州事兼修河都監

管勾溝洫河道 天聖初詔畿內及近畿州縣長吏皆兼管勾  
溝洫河道

南作坊副使 北作坊副使 李神祐於真宗太平興國六年  
滑州治河防爲南作坊副使李渭官太常博士於仁宗天聖  
初上治河十策詔換爲北作坊副使與張君平並爲修河都  
監

總河 總河之名始見於此

天聖初魯宗道以參知政事總河事

提舉河渠 至和二年十二月以殿中丞李仲昌提舉河渠

三司河渠司 嘉祐三年十一月己丑置都水監罷三司河渠

司 河南通志云罷都水監河渠司疑有誤

都水監丞 神宗熙寧元年七月都水監丞李立之請於恩冀

深瀛等州創生隄三百六十七里以禦河

疏濬黃河司 熙寧六年四月始置疏濬黃河司差范子淵都

大提舉奉給視都水監丞司行移與監司敵體

都大制置河防水利司 程昉初爲河北屯田都監累遷達州

防禦使制置河北河防水利御史假朝廷威福恐動州縣王

安石以昉知河事故加任使後覺其虛誕疏之以憂死遂罷

都大制置河防水利司

修河司 哲宗元祐四年八月李偉乞復置修河司從之 五年九月中丞蘇轍乞速罷修河司

南外丞司 北外丞司 南外都水 北外都水 元祐七年四月詔南北兩外丞司管下河埽今後令河北京西轉運使副判官府界提點分認界至內河北仍於銜內帶兼管南北外都水公事

專功提舉河事 元符三年三月徽宗已即位以張商英爲龍圖閣待制河北都轉運使兼專功提舉河事

北外都水丞司 七月復置北外都水丞司

金都水監掌川澤津梁舟楫河渠之事兼勾管沿河漕運事官有監分治監專規措黃沁河衛州置司 都巡河官從七品掌

巡視河道修完隄堰栽植榆柳凡河防之事分治監巡河官同  
諸都巡河官掌提控諸埽 黃汴都巡河官居河陰下六處  
河陰雄武滎澤原武陽武延津黃沁都巡河官居懷州下四處  
懷州孟津孟州城北兼沁水事衛南都巡河官居新鄉下四處  
崇福上崇福下衛南淇上濬滑都巡河官居教城下四處武城  
白馬書城教城餘八處在山東凡二十六埽各設散巡河官一  
員凡巡河官皆從都水監廉舉

都巡河官 散巡河官 已見上

京埽巡河官 世宗大定十九年九月設京埽巡河官一員先  
是祥符陳留黃河隄道四十餘里以縣官攝其事南京有司  
乞專設埽官從之

都水少監 大定二十六年八月河決衛州命戶部侍郎王寂  
都水少監王汝嘉馳傳措畫備禦

提舉河防事 管勾河防事 大定二十七年二月御史臺言

自來沿河京府州縣官坐視管內河防缺壞特不介意若令  
沿河京府州縣長貳官皆於名銜管勾河防事如任內規措  
有方能禦大患或守護不謹以致疏虞臨時聞奏以議賞罰  
上從之仍命每歲將泛之時令工部官一員沿河檢視於是  
以南京府及所屬延津封邱祥符開封陳留胙城杞縣長垣  
歸德府及所屬宋城寧陵虞城河南府及孟津河中府及河  
東懷州河內武陟同州朝邑衛州汲新鄉獲嘉徐州彭城蕭  
豐孟津河陽溫鄭州河陰滎澤原武汜水濬州衛陝州閩鄉

湖城靈寶曹州濟陰滑州白馬睢州襄邑滕州沛單州單父  
解州平陸開州濮陽濟州嘉祥金鄉鄆城四府十六州長貳  
皆提舉河防事四十四縣令佐皆管勾河防事

元都水監掌治河渠並提防水利橋梁牐堰之事官有監二人  
少監一人監丞二人經歷知事各一人領大都河道提舉司有  
提舉同提舉副提舉各一人又至正六年五月以連年河決爲  
患置河南山東都水監以專疏塞之任九年又立山東河南等  
處行都水監十一年立河防提舉司掌巡視河道隸行都水監  
十二年添設判官二人十六年又添少監監丞知事各一人

河道提舉司 河防提舉司 已見上

都水監丞 元世祖至元九年七月衛輝路新鄉縣廣足倉南

黃河經志 卷九  
河北岸決委都水監丞馬良弼與本路官同詣相視差丁夫併力修完之

管河渠使 河渠副使 至元十九年四月設懷孟路管河渠使副各一員

成宗時尙野爲懷孟河渠副使

都水監卿 都水分監 仁宗延祐元年八月河南等處行中

書省言黃河爲害宜委請行省官與本道憲司汴梁路都水分監官及州縣正官親歷按驗從長講議由是委太常丞郭奉政前都水監承邊丞務都水監卿朵兒只河南行省右丞本道廉訪副使站木赤汴梁判官張承直上自河陰下至陳州與拘該州縣官一同沿河相視

奉政承務承直皆官階非人名也於此可見元史之

疏

行都水監 兼知河防事 泰定帝泰定二年二月姚燁以河水屢決請立行都水監於汴梁仿古法捍備乃命瀕河州縣正官皆兼知河防事從之

都水 順帝至正八年二月以賈魯爲都水

總治河防使 至正十一年四月初五日下詔中外命賈魯以工部尙書爲總治河防使進秩二品授以銀印發汴梁大名十有三路民十五萬人廬州等戍十有八翼軍二萬人供役一切從事大小軍民官成稟節度便宜興繕

明都水監屬工部興川澤陂池歲儲其金石竹木以時修其廬壩洪淺堰圩隄防凡諸水要會遣京朝官專理以督有司役民



必以農隙不能至農隙則傭工成之永樂元年遣尙書治河自後間遣侍郎都御史成化後始稱總督河道正德四年定設都御史嘉靖二十年以都御史加工部職銜提督河南山東直隸河道隆慶四年加提督事務萬曆五年改總理河漕兼提督事務八年革

管河參議 明英宗天順七年二月河南布政司照磨金景燿

考滿至京奏黃河事章下工部以其言頗合時議請敕吏部如例陞擢即命其往同河南管河參議何陞如其言而行之

總理河道 孝宗弘治五年八月命工部左侍郎陳政兼都察

院右副都御史總理河南等處河道敕曰朕聞黃河流經河南山東南北直隸平曠之地遷徙不常爲患久矣近者頗甚

蓋舊自開封東南入淮今故道淤淺漸徙而北與沁水合流  
勢益奔放河南蘭陽考城山東曹縣鄆城等處俱被滄沒勢  
逼張秋運道潦水一盛難保無虞廷臣屢請修濬且言事連  
四省不相統攝須得大臣總理庶克濟事今特命爾帶同本  
部員外郎陶嵩署員外郎事張謨前去同各該巡撫巡按督  
同布按二司及直隸府衛掌印並管河官員自河南上流及  
山東直隸一帶直抵運河躬親踏勘計議何處應疏濬以殺  
其勢何處應修築以防其決會計椿木等料若干著落各該  
軍衛有司措辦然後相度事勢緩急工程大小起倩附近軍  
民相兼在官人夫趁時用工務使民患消弭運道通行不可  
虛應故事然此係國家大計凡事有相關及敕內該載不盡

者聽爾計議停當便宜而行文武官職敢有怠慢誤事者輕則量情責罰重則文職五品以下徑自送問四品以上並方面軍職參奏爾受茲重托尤應晝夜籌畫勉圖成功仍當撫卹下人使皆樂於趨事則工易完而人不怨斯無負委任其勉之故敕

管河郎中 弘治六年二月陳政卒管河郎中陳綺請仍遣大臣總其事

管河副使 弘治十一年十二月河南按察司管河副使張蘊請於武陟木欒店鑿渠下接荆隆口

管河主簿 判官 世宗嘉靖八年十二月總理河道侍郎潘希曾言河南儀封縣河患已寧管河主簿宜革孫家渡口已

濬通請於鄭州增設判官一員專駐其地以防復淤工部覆議從之

總督河道

總督始見於此

嘉靖四十二年四月甲寅陞總督河道都

察院右僉都御史王士翹爲右副都御史提督南京糧儲按明時總河自成化後即稱總督河道萬曆時改稱總理河漕而河南通志僅於嘉靖時之盛應期連鑛胡松王士翹吳桂芳陳堯李遷潘季馴八人稱總督河道餘則皆稱總理河道萬曆初於傅希贊則稱督理河道泰昌時已改稱總理多年而於王在晉又忽稱總督河道在當時有此二稱或不免於相混至筆之於書則當各審其實也後所列表悉爲正之

提督軍務 穆宗隆慶四年四月以兵科都給事中溫純言更

命河道都御史加提督軍務職銜以南直隸之滎陽潁徐北直隸之大名天津河南之睢陳山東之臨沂及添設曹濮道各兵備官屬焉

八月起原任都察院右副都御史潘季馴總理河道提督軍務

勘河給事中 神宗萬曆二十年八月勘河給事中張貞觀題  
會總河尙書舒應龍總漕陳于陛巡按御史高舉彭應參王  
明勘黃淮達海工費

管河主事 萬曆二十五年三月贈管河主事袁光宇太僕寺  
少卿以其治河積勞也

管河參政 萬曆三十五年十月以河工告成紀錄管河參政

顧三鳳罰治兗州同知許仲譽從總河曹時聘請也

管河道 管河同知 萬曆四十四年八月河決陶家店張家

灣水由大隄陳留等處入亳州渦河帶管河道陳薦命河南

管河道全良範管河同知徐可大挑河挽水本年冬決口淤

平全築大壩河流復故

通志在四十二年

清設河道總督一員總理黃運兩河事務駐紮濟寧州康熙十  
六年以江南河工移駐清江浦雍正二年以河南武陟中牟等  
隄工緊要設副總河一人駐紮濟寧州總河兼理南北兩河七  
年改副總河爲總督河南山東河道分管南北兩河初南北兩  
總河並兼兵部尙書右都御史銜乾隆四十八年奉旨以總河  
無地方之責況又有道員升署及簡擢初任之員嗣後但給與

兵部侍郎石副都御史銜著爲令雍正八年置河道十一人河南開歸陳許道駐開封彰衛懷道駐武陟河南二道兼掌河帑之出納 管河各官開歸道轄上南河下南河同知二人儀考商虞通判二人十二汎州判一人縣丞七人主簿四人彰衛懷道轄懷慶黃河開封上北河下北河同知三人彰德河務衛輝鹽河懷慶河務曹儀河務通判四人二十汎縣丞八人主簿十人巡檢二人又林縣管河典史一人 武職河南豫河懷河二營守備各一人協辦守備各一人千總四人把總三人凡河營參將以下皆掌河工調遣及守汎防險之事葦蕩營參將以下掌采葦蘆以供修築隄埽之用豫河懷河二營轄七汎千總四人把總三人銅瓦廂決後同治二年裁蘭儀儀睢睢寧商虞曹

考五廳於左

副總河 清世宗雍正二年四月命兵部侍郎嵇曾筠爲副總

河駐紮武陟縣地方專管河南河務

今按河渠紀聞言副總河專管北河兼管山東

河南河務就近撥河南撫標守備一員千總一員把總二員馬步

兵丁一百名聽其差遣按季換替

按此東河分治之始也河南居江南上源工要於下非設官分治有鞭長莫及之勢地方兼理修守至緊要機宜或以未能諳悉致誤馬營諸口之決始於秋水驟至承平日久之畏無工之處防子不到云能於幾先水得乘隙以攻其無備是時撥河南撫標守備一千總二馬兵百名南河營調千總二把總四河兵千名聽候差遣分派南北兩岸住隄防守糧



餉由河南藩庫支給添設開封府上南河上北河黃沁同知各一員沁河主簿一員分司協理規制略備矣

協理河務 雍正六年五月命左僉都御史徐湛恩協理河南河務

河道總督

雍正七年三月改河道總督爲江南河道總督調廣東總督孔毓珣補授改副總河爲河南山東河道總督以嵇曾筠補授

是月以副總河爲河東河道總督將山東境內運河一併管轄分河道爲三南河總督駐清江浦東河總督駐濟寧又設直隸河道總督駐天津

河渠紀聞曰此三河分治之始也明時以界連四省不相統攝令格不行選風力大臣出鎮仍復紛如至此畫疆分治仍咨詢商榷無畛域之分所以並治也北河事簡於東南二河直督兼理其事統於一矣按此稱未確北河即指河南山東對江南言之也八年十一月始設直隸河道水利總督後人別於東河南河稱直隸爲北河始有三河之目

### 設置裁改

元順帝至正二十六年二月立河淮水軍元帥府於孟津縣

明世宗嘉靖八年十二月裁河南儀封縣管河三簿增設鄭州判官駐孫家渡口

穆宗隆慶六年七月吏部覆朱衡等奏守河事宜一議官守一議久任言管河官員防守修築必經歲月駐汛地方以便責成

新添河隄計長三百七十里每六十里用官一員俱以州判縣簿領之又添設府同知一員與管河通判均分調督如遇有急互相協理其每年修河著有成效者年終薦舉紀錄次第遷秩如管河主簿則陞管河縣丞縣丞陞州判州判陞州同州同陞通判其係科目者管河通判則陞同知同知陞僉事遞陞參議副使參政按察使布政使累著成效則直以總理河道大用之久其任則河務愈精久其官則河臣益勸衡等所陳誠爲確論詔行之

是年添設河南副使一員給敕專管黃河修築隄岸

神宗萬曆十五年十月大學士申時行等題今年河流散漫自開封封邱偃師等處及直隸東明長垣地方多有衝決失今不

治明年河水再至勢將北徙上流不下徐淮則運道甚可憂慮此不可不急爲之圖也查先年設有河道都御史凡河南山東南北直隸河漕經行之處皆屬統轄近來裁革此官分屬各巡撫管理責任旣分事權不得歸一今黃河衝決多在河南餘流所及又在直隸若衝安平曹濮又在山東各該巡撫雖已委官相視畫地修築然或彼此不相照應萬一推諉必致誤事臣思河道未至大壞不必復設都御史但差風力老成給事中一員往河南等處踏看衝決處所稽查各該管河官員就便催督興工各處錢糧會同巡撫官隨宜調撥期以初春起工夏間畢事即伏秋水發河流不至北徙徐淮以下自然安流而運道可保無患矣是日傳諭工部朕聞河南等處地方黃河漫流先年舊

隄多被衝決卽今曾否修築未見奏報著各該撫按官督率管河官員用心經理還選差風力老成給事中一員前去各該地方踏看併催督工程如有怠玩曠職推諉誤事以致妨害運道者卽指名參奏拿治

萬曆十六年四月直隸巡按御史喬璧星奏河道衝決爲患請率舊典復設專官以一事權蓋自來治河止於除害我國家仰給東南歲輸四百萬石自淮至徐實藉河利顧潰決淺澀之患往往有之永樂九年分設部司督理或命部院大臣往視事已輒罷正德四年乃議專設憲臣爲總理河南之開封歸德山東之曹濮臨沂北直之大名天津南直之淮揚徐潁咸屬節制建牙如督撫重河防也然理河者不復慮漕而理漕者亦不復慮

河則亦專設河臣之釁矣萬曆五年偶因兩臣意見相左遂並  
河於漕在河南山東北直者以巡撫兼領之責分而官無督故  
修濬之功怠於無事急於臨渴河患曰深頃者勘科常居敬亦  
有專設大臣之議非直備官要在得人試按嘉靖以來河漸北  
徙濟寧以下多淤而劉天和之修築魯橋朱衡之開通南陽潘  
季馴之濬刷崔鎮河道賴之此專設得人之明驗疏下部覆如  
議上命督河再設以老成才望者任之

十一月河南巡按御史王世揚奏河南境內黃河自潼關至歸  
德開封等處奔流二千餘里去總河督臣甚遠利害之切見聞  
之近必先撫臣宜於撫臣敕書增兼理河道一條與督臣協同  
行事詔從之

十二月添設河南開封府同知一員駐劄荊隆口祥符縣丞榮澤主簿各一員專管河務

是年都給事中常居敬上河工大舉疏云一責成正官以便查覈臣等竊維設官定制在府州縣雖有清軍管糧捕盜理刑管河等官分任佐理而兼總條貫則掌印官事非謂各官之外掌印官全無相干也故一州縣之中河渠要害孰非正官之所當料理防守者況中州生靈命脈係於黃河可以正官而漫不關心乎乃向來河務該道止行文府管河官府管河官止行文州縣管河官而該府州縣全不經由故問河水衝決非不曰某州某縣之某口決也問應派人夫應動錢糧所以治其決者則曰有管河官在非本州本縣事也不知河患關係民瘼最切不此

之究而徒諉之於一二佐貳彼其威令不行召集人夫旣多阻撓操持不定動用錢糧又難清楚況修理工程必動錢糧管河官身任其事則錢糧自有粘帶每年會計旣令其查議矣乃年終覈實亦令其自爲而自覈之無論工程虛薄錢糧冒破無由而覺卽工程堅固錢糧明白誰則信之是尤不可解也合無自後申飭各府州縣掌印官凡遇河務雖有管河官專管至於催趲人夫發給錢糧各掌印官務破積習協心共濟其會計工程亦與管河官會同估議每年河防畢日該道將各掌印管河官分別勤惰開呈兩院量行獎戒如此則精神流貫而法亦昭明責任各專而功可永賴矣奉旨依議著實行又酌議河道善後事宜疏一復河臣以一事權先年設尙書侍郎或都御史一員



總理河道以故事體畫一興作甚便議定而行無敢格者諸臣  
經略之蹟至今班班可考乃邇年罷去不設歸諸總督漕運而  
各省則令巡撫兼之不思河道變遷常在指顧呼吸之頃非專  
一則牽制而難行非身親則怠緩而誤事稍顧忌則齟齬而敗  
績或猶豫則後時而罔功此其所係何如者至於各巡撫專制  
一方辨官邪審刑名稽錢穀理鹽盜日不暇給乃欲出其什一  
以辦河務其將能乎非獨此也河南之令不能行於山東山東  
之令不能行於淮揚即一舉而可以垂永利此最忠國便計而  
各省牽連甲可乙否卒以憤惋而止至於氣脈不貫事體牴牾  
此其害未可一二言也禹平水土稷教稼穡未聞兼理奈何令  
併漕運河道而兼之也即令督臣初任總理方新才品卓然足

以勝此但以河道事理論之仍當專設總督重臣庶權不分而  
事易集矣一定賢否以便責成照得東南之所急者無大於河  
漕而所以重河防而責成效者無過於賢否今時河道督臣總  
理於上部司分理於下乃各府佐官則專率州縣管河判官主  
簿聽候部司分委辦料興工且吏部給與文憑填註專管河道  
不許營求別委法甚善也乃賢否則各衙門主之而部司不與  
焉夫河道艱虞脫有緩急若救火追亡猶恐弗及乃部司曾不  
得操賞功酬勞之權是求前於却欲責其功力難矣以故別衙  
門執賢否以便差委而各官以或冀差委以圖親信反視河道  
若駢拇枝指然及潰決而圖之已無及也合無查照清江造船  
廠官事例凡係管河官專屬河道部司年終考覈分別賢否徑

呈督撫咨部施行不許別謀差委及查濱河處所俱有各官公署仍量行修理常川駐紮毋使濕居府城以妨職業庶賢否定而人心趨責成專而分理便矣

萬曆三十年六月工部尙書姚繼可覆山西沁州知州俞汝爲條陳河務一沿河任事之責宜均夫河南山東鳳陽巡撫俱兼河務中河南河張秋夏鎮泉插俱係管河特以事權不一設總河都御史節制之耳今秦越其心獨累總河以致物故者創奪者後先相繼而總河遂爲陷穽請申明璽書各處有河地方分任其責功罪一體庶同舟之念自專而事可永濟

萬曆三十一年二月吏部言總河曾如春疏河工切要三事一示激勸現任河工州縣正官著實分別舉劾一明職掌河上委

員專以該管河道爲主別道不得干預一設贊畫二員比東征事例

四月工部尙書姚繼可題總河應照邊鎮事體令江北河南山東等處巡撫官悉聽節制載入敕書一體遵行其藩臬有司有所推舉撫接衙門相同俱準正薦玩忽不遵者不時參治從之莊烈帝崇禎五年工部尙書曹珖覆河南巡按李日宣條議河道四款一爲職掌宜明從來印官河官均任河防責原相等按臣議印河分任職掌以各按功不惟交制且以相濟從前諉卸之習今始可以盡破至中州之河道即運河之部臣一切防河事宜尤應躬親督核一議遷改河官防河重在秋水泛漲之時呼吸安危頃刻而判此後道臣陞遷務在冬季之後期於不誤

秋防至河廳

河廳始見於此

設立同知通判從來已久其陞遷選授當

一遵此法不致大相懸絕可之

餘分見物料夫役門

清世祖順治四年五月工部覆總河楊方興爲分司權輕判簿職微祈嚴飭道印各官毋誤河工事看得河道修濬工程責任料理在分司佐貳其地方夫役治辦物料皆賴道府州縣正官故前朝議定凡有河務者年終列名考成如或有誤一體題參移咨吏部接以降調黜革戴罪之例今總河臣具題道印等官視河務非己任而整飭措置之責全不料理卸擔於分司佐貳以致漕河廢弛已極請飭前來伏乞敕下臣部咨行山東河南督撫按衙門嚴行申飭各道府州縣印官照依往例務要同心協理無誤河務如有仍前故違許該督撫按即指名題參請旨

治罪庶人心知警而河道有賴矣

順治十年正月工部覆總河楊方興爲河患日亟夫料日艱請復舊規責成印官募官辦料以濟急工事看得治河要務全在責成得人今據總河臣疏稱欲以修築責之河官募辦責之印官且照新增之數夫給現銀料給現價於治河各官功罪相同鼓舞有法河工喫緊無出於此應請敕下總河臣會同督撫按嚴行司道府縣印官嗣後凡係河務俱要印河等官相佐爲理不得推諉承著爲令如有故違聽河臣指名參處奉旨依議行

順治十六年三月吏部覆總河朱之錫爲申明激勸大典事疏稱今十五年河工久已告竣合無仍遵前旨令臣照例分別舉劾以示懲勸管河佐貳等官亦應量擇其尤另疏薦錄至於貪

婪不職一概題參等語查河臣專司河道原就本年濬築之勤情別其臧否若概停舉劾則管河之官無以勸懲相應如其所請照舊舉行至管河佐貳等官職雖微其河工之責成頗重如有勤勞盡職者應行薦舉寧嚴毋濫其貪婪不職者一體題參奉旨依議

聖祖康熙元年十月議令督撫責成各州縣專以修護隄防爲急務其有衝決年終造冊報部以定考成

康熙二年十一月總河朱之錫題請復河差三年舊例疏云黃運兩河上關轉漕通塞而民生安危亦於此焉攸寄其間修防之方略異致節序之流轉相催即使明敏之官亦必得身親歷練然後當機應變措施咸宜無貽事後之悔以故前明河臣濬

季馴有管河分司三年一換猶恐不能觀成請以六年九年爲滿而科臣尹瑾復以管河司道等官遇三六年考滿加銜照舊管事與破格超遷之議此皆昔日慎重其事以爲不若此誠不足以專責成而期實效載在河防刻書之中歷歷可考也即我朝前河臣楊方興於順治十四年四月內亦具有請復河差三年舊例一疏臣於順治十六年正月內復具有慎重河工職守事一疏俱經部覆奉有俞旨遵行在案今因六部司官輪流陞轉又兼滿漢並差議將管河分司亦改爲一年更替之例敢不欽遵成命第河工關係旣重水性變遷爭在呼吸又與他事不同若一年一換初則生手未諳茫然無措及至稍知頭緒而差期已滿年復一年豈免貽誤合無仰請皇上軫念兩河重寄或



將兼管鈔務所差滿官一年一換其管河分司漢官仍遵前旨三年一換差內暫停遷轉俟其回京考核之後准與敘陞既於新例無礙而國計民生可以收駕輕就熟之效所裨河政非淺鮮也

康熙十七年命撤回南北中河三分司部員其河道工程委該地方監司府佐貳管理命豫省歲修工程責成河南巡撫

康熙二十四年九月總河靳輔巡撫王日藻會疏稱河道全資修守而修守專賴得人黃河兩岸隄工綿遠一官難以兼顧今應裁去濟源縣主簿一員改爲蘭陽縣管河主簿與該縣縣丞分防兩岸隄工裁虞城石榴堦驛驛丞一員另添設虞城縣管河縣丞一員與該縣主簿分防兩岸至陽武縣主簿止可專管

北岸隄工其南岸隄工應歸該縣縣丞就近管理又原武縣主簿既專管北岸隄工其南岸止有六百餘丈不便添設一官查此工程現在鄭州地界應歸鄭州州判兼管至於考城北岸隄工界連山東省曹縣境內即歸併曹縣就近修防又山東單縣南岸隄工錯雜於河南省虞城縣境內應換歸虞城縣就近修防俟隄工修完之日更換從之

靳文襄公治河書曰兩河襟帶數千里贊襄戮力全在大小羣有司必使人如臂指而後其令行必使人無觀望而後其心一必使人知懲勸而後其力殫往時河工設分司四員以部卽領其事三年一易以爲常夫部卽之親民也視郡邑有間舉事率多格滯且以年之有限也往往履任之初皆疏迂

及車輕路熟又以瓜期去故請撤部郎而歸之監司郡丞蓋  
監司郡丞之於郡邑呼吸一氣公事易集且可遴選其諳練  
者以名聞又綿其歲月責其成功是以吏習民安而政克舉  
然大工龐雜又非數郡丞可理故又分設監理分理畫疆責  
任俾各專其事展其長以課其殿最而黜陟行焉而河工無  
不効力之員矣

河南黃河南岸自陝西潼關入閩鄉縣境經靈寶陝州澠池  
新安孟津鞏縣汜水河陰至滎澤縣而始有隄工自此而鄭  
州原武陽武中牟祥符陳留蘭陽儀封考城商邱虞城至江  
南之徐州碭山縣界北岸自山西垣曲縣入濟源縣境經孟  
縣溫縣武陟亦至滎澤縣而始有隄工自此而原武陽武封

邱祥符陳留蘭陽儀封以至山東曹縣界凡係開封府者屬  
南河同知管轄北岸屬河北同知管轄係歸德府者南岸屬  
歸德府管河通判管轄北岸係山東曹單二縣界屬兗州府  
管河同知管轄又沁河一道屬懷慶府管河通判管轄

清順治初設河南管河道一員駐紮開封

康熙五年裁  
九年復設開封府

南河同知一員駐紮本府專管南岸河務

康熙七年裁歸清  
軍同知九年復設開

封府北河同知一員駐紮祥符縣陳橋鎮專管北岸河務歸德

府河捕通判一員駐紮考城專管歸德屬河務

康熙七年裁  
九年復設又

商邱虞城考城三縣管河主簿各一員懷慶府糧河通判一員

駐紮本府河內武陟二縣管河縣丞各一員

衛河分司駐紮輝縣順治十三年差漢官司一員本年裁歸衛

輝府同知兼理十四年復差三年更代康熙四年裁歸分守河北道及衛輝府通判管理六年裁河北道令通判專理九年復設河北道

世宗雍正二年正月嵇曾筠奏隄工既經修築堅固防守必須能員臨河各隄仍令管河廳汛駐紮本汛近隄之處早晚巡防不許仍前遠駐府縣城內衙署致水發搶護鞭長莫及自今河南廳汛官員應令總河巡撫不拘資格揀選熟諳能員題補保固工程三年限滿該督撫各題准其應陞之缺即用如有怠誤不時查察其太行隄應令州縣照所管之地不時巡防遇風雨水漲時嚴加防護不許奸民盜決隄工如有盜決者嚴加治罪其失於巡防之地方官並隱匿不報之道廳等俱照例嚴議

雍正七年閏七月添設懷豫兩河營守備二員凡一應修築事宜令督率千把總堵築防護其所添守備員缺令督臣於河營千總內揀選在工年久熟諳河務者照例題補

高宗乾隆元年十一月罷河東副總河不設

乾隆七年刑部侍郎周學健奏請裁撤河東總河並添設之廳汛各官効力人員量留數員餘盡裁汰悉歸南河總理一切修防事宜撫臣會同河臣定議辦料撥夫責成地方官專司其事廳道監督工程裁減歲搶修各費山東以上運道專責地方官辦理奉硃批交大學士九卿議奏白鍾山奏稱臣委任總河八年於茲河工情形無不身親目視熟慮深思竊以爲總河可裁也添設之廳汛官効力人員不可盡裁也辦料撥夫責成地方

官可也裁減歲搶修各費不可也請以今昔情形言之即如康熙六十年河決原武之詹家店馬營口魏家口等處合流直注山東壽張縣沙灣入運河泛濫四出漕運幾梗黃水經過直隸山東皆受其害費帑不不百萬僅能塞之六十一年又決於釘船幫由李先鋒莊逼馬營口隄裂二十餘丈又決秦家廠釘船幫大壩陷四十五丈乃於王家溝官莊峪挑引河二道水勢稍平始得相繼築塞雍正元年正月報竣而是年武陟姚其營梁家營二鋪營及詹家店馬營口又漫坍八處中牟縣十里店婁家莊漫二處鄭州亦決來童寨民隄二處鄭民惶恐遽挖官隄洩水衝漫中牟楊橋一帶二年又決蘭陽板廠儀封大寨旋塞施決再決再塞綿延至於四載爲費已百萬不止是時尙未分

設河臣未添建廳汛也至分設添建以後迄今十餘年未常有  
運決數處淹注數省綿延數載之事而周學健乃謂衝決未少  
於前險要已倍於昔殊弗察也從來河決則水分水分則流緩  
沙停爲費無已故前河臣齊蘇勒疏云武陟決口河底淤墊已  
經二年全河下注兩岸有出水僅尺許者有與水平者更有直  
至兩岸隄根宛若湖淀者據此情形爲患不知何所底止而十  
餘年來安然無恙向之舉裳可涉者今則深不可測矣向之大  
隄卑薄殘缺者今數百里一律高厚屹若堅城矣向之兩岸灘  
地普漫若湖淀者今者非甚盛漲不出槽漫灘矣二瀆安瀾歷  
年順軌而周學健乃謂河愈治而患未除是於今昔情形全未  
稔悉也黃河自三門七津而下地平土疏億萬生靈托命於一



綫沙隄非隄何以禦水非埽何以衛隄河旣偏趨南則北淤趨北則南淤非相形勢挑掘引河何以挽溜中行治河惟有補偏救弊之法昔人常明言之周學健乃謂築隄挑引爲私智穿鑿是未知治河之成法也至屬員蒙蔽上司河員喜事紛更事誠或有如周學健所言工尙未險流尙未改預爲張大其詞聳動河臣不得不爲上請言亦太過如果工未險要何忍以有用之國帑費於無用之地况詳題則有該管河道會題則有兩省撫臣豈皆漫無稽察周學健未嘗身歷河干乃以數十年前情事論今日之河工亦已過矣修防必需料物料申秣稽需用最多厯係地方官承辦不論遠近概行派撥亦不發給現價料戶送於數百里外比至工所人困牛斃猶且露處守候交收無期

自設立河帑一莖一束皆先給價而後交料價銀委員賚交各知府轉發州縣領辦以杜牽混影射等弊而周學健猶以爲擾民視從前不先給值爲何如至人夫幫築隄工挑挖引河皆係按方給價灑河貧民情願赴工力作賴以餬口並非州縣派撥搶險皆跑筐買土不論時日一夫到工即按筐給錢視從前不給價值爲何如至東省運河從前大小挑時俱係遠近州縣派撥民夫赴工協挑今大小挑俱照從前額定募夫於正項內分別動給僱募寬其時日酌其淤沙厚薄令長夫盡行挑濬不煩民力不增募夫運河自南至北一律深通視從前出夫貼錢爲何如今擾民諸弊悉已革除乃反以爲擾皆言之未得其實也若謂擾官殊不知河防民社原屬一體地方官辦料募夫非有

櫛風沐雨之勞履危蹈險之難周學健既請將辦料責成地方官專司亦未必不擾也瀕河州縣本有河道民生之責河隄衝決堵築用項銷六賠四定例府縣與道廳營汛分賠深原例意蓋以瀕河州縣遇搶險運料集夫呼應較靈若令優游事外袖手旁觀勢必貽誤至新收工程例應承修之員保固地方河員各有承修各任保固從未有河員承修地方官分任賠補之事此必一二漠視河工之員妄生浮議故其所言皆與實在情形相左河工最忌浮言惑衆今以勸帑募夫創爲擾累官民之言地方官民勢必借爲口實浮議繁興自此觀望遲延不至於因循廢弛不已此周學健所言之失當也

乾隆八年白鍾山奏覆御史胡定條奏河防事宜疏略曰如奉

稱河道不宜兼理巡道黃河險要河道任大責重原無餘暇巡道案牘紛煩顧此失彼應專其任查河道民生本屬一體毋庸歧視河道所管黃河即其守巡地方原可就便查辦河道不兼守巡州縣視爲不關緊要之上司呼應不靈設遇工程險急大聲急呼而夫料不至貽誤河防爲患更大惟遇入閘署印等事免其派委伏秋汛內必令住宿河干冬春盤查一切不必再添守巡道致滋糜費如奏稱黃河同知通判應於河員內選補州縣初任河務諸事茫然豈能奏績果有熟悉河務能勝任者預行保舉遇有缺出方許題補查河員專任修防州縣協辦夫料如果同心協力何險不平無如州縣中賢愚不一往往膜視河工是以歷任河臣皆以責成州縣爲請潘季馴疏言州縣正官

職專親民故民易驅而事易集奈相沿之弊視河患如秦越視  
管河官如贅疣妨工僨事實因於此靳輔疏亦云管河同知通  
判佐雜等官與民絕不相親於街坊里下毫不關涉如撥夫運  
料等事安能設施府州縣正印官每膜不相關無同舟共濟之  
情寧肘誤工不一而足前副河臣嵇曾筠以印官河員循資陞  
調分爲兩途即辦事同城亦不無歧視請將沿河府州縣陞調  
河工道廳河工廳汎陞調沿河府州縣俾印河各官協力同心  
爲地方保障部議准行此東豫兩省題補河官之始江南州縣  
調補亦照此例如激勸鼓舞而州縣中有志向上者固踴躍  
奮勉其好逸苟安者望陞之心猶不勝惡勞畏難之念彼蓋以  
離衙舍而宿河干辭家室而伍卒徒舍乘輿張蓋之榮而奔走

於炎風暑雨之中猶且身踐危隄心駭巨浪稍有疏虞即罹參處以視州縣之安榮不肯以彼易此議者猶以河員獨膺議敘州縣徒受參處分賠若並此而去之則遷轉無望其歧視推避又不知若何至請預行保舉定例河工缺出先行題署試用一年經歷三汎果能勝任方出考題授如不勝任立即撤回與預保無異應請仍照例行如奏稱河工効力請照鹽大使之例不加殷實印結凡候補候選及因公呈誤之員科甲貢監人等如有熟悉河務願往効力者或本地方官或同鄉官出具印結河臣考核差委驗其果堪任使咨部註明俟三年著有成效分別補用查黃河自西至東運河自南至北各綿長千有餘里凡排河築隄疏泉防險查工催料等事需員差遣是以歷來願投効

者河臣俱酌量收錄惟因公呈誤之員例不准收蓋恐廢員得以藉工混濫也至効力之員必須殷實者則以到工租房攜僕畜馬以候日用薪米草料在所必需奉差則船馬丁僕盤費更煩非殷實之家力不能繼州縣出具効力河員殷實印結如不確實照例議處請嗣後各省願往河工効力人員照旗員由本旗都統咨送之例領取本籍州縣家道殷實印結徑赴吏部衙門投遞由部咨送河臣收工差委到工後著有勞績酌量人地相宜分發錄用亦無庸概定以三年紛紛咨送如奏稱黃河營汛立定處分請嗣後如全河驟漲一時人力難施設隄捨護動用多金仍照舊例外儻河水原不十分洶湧備弁平日懈弛失於檢點以致漂淌糜費查照漫溢例酌量分賠查黃河同知通

判承修工程出入錢糧皆其專責捲埽築橋壓土以及濬築搶護一切履危蹈險備弁出力佐理已修埽工自應廳員不時檢點豈得委之備弁設有疏忽漂滿糜費惟廳員是問是以定例止有陡遇衝決人力難施者廳員按股分賠其平時漂滿糜費著落承修廳員賠補不便令備弁分賠啟廳員推諉廢弛之漸乾隆二十三年五月巡撫胡寶瑤奏同知通判有一府兩員者應將所管州縣分定則責成益重而查察易徧至州縣事務紛繁臨時或難徧及應將境內各河分派於縣丞主簿巡檢等官隨時體察報明正印並於道廳往勘時隨行查辦秋末春融酌量興工分頭兼管庶可同時並集至各河大者百餘里小者亦數十里必須民間亦有責成請每河按照村莊設立渠長選擇



誠實幹力之人承充其所管業佃略如保甲之制並將每河分  
定里數界限責令經管如有淤墊及隄堰殘缺者隨時報官於  
興修時即令集夫督修

仁宗嘉慶五年五月諭河工省分各設廳汛員弁專管修防其  
地方守令無兼河之責者原不應派令辦理河務乃聞近來遇  
有堵築挑濬大工多藉幫辦爲名調派州縣令其貼解銀兩並  
將上司應賠工程亦令州縣代賠以致派累百姓挪移倉庫本  
任地方職守且多曠廢著直隸江南山東河督撫及河道總  
督等通行禁止嗣辦理河工祇准調派丞倅雜職等官不得再  
派州縣致滋弊竇

嘉慶十九年五月命李鴻賓爲河東副總河

自乾隆元年罷副  
總河至是復設

八月吳璥奏調南河同知通判遊擊五員咨調守備千把總及佐雜十五員河兵三百名赴睢工聽候差委

嘉慶二十年正月吳璥內遷仍督辦睢工命李鴻賓署河東河

道總督

復裁副  
總河

嘉慶二十二年三月諭大挑舉人原以疏通寒峻近來各省分發人員漸覺壅滯朕思南河東河北河三處需員差委若於大挑一等人員內分發試用俾之學習河務既可策勵人材亦可疏通額缺應如何酌定員數並試用甄別限期及補用缺分章程吏部詳議具奏尋議照地方一時無相當之缺准以原銜借補佐貳之例以管河直隸州州同州判府屬州同州判府經歷縣丞等項補用仍照原銜升轉擬定南河發往三十員東河二

十員北河十員給發執照令其赴工差委俟一年期滿照例甄別奉旨此項大挑一等分發河工人員著令爲試用二年經歷六汛後甄別該河督秉公察看其能通曉河務者留工照新定章程分別補用如河務不能練習而才具尙堪膺民社者改撥地方仍以知縣補用其迂拘者以教職改補

嘉慶二十四年八月調南河參將遊擊備弁十員河兵四百名續調備弁四員弁目十五員河兵二百七十五名赴河南蘭儀漫工聽候派遣

宣宗道光十二年閏九月諭本日據大學士會同軍機大臣議奏京員揀發河工學習工程河防關係重大必得通曉熟練之員方有裨益著於內閣翰詹六部都察院各衙門不分滿漢擇

其正途出身清慎勤敏者每衙門保送一員咨交吏部帶領引見候旨發往東南兩河如不得其人無庸濫保並著爲兩年揀派一次該員到工後隨同該河督等專心學習估工查料及一切疏濬堵築各事宜不必承辦要工亦不准經管錢糧並著該河督量才差遣周歷河湖隄堰查勘情形俾資歷練其有謬妄滋事者不但該河督應隨時參劾即兩江總督山東河南巡撫均有兼轄之責並准其據實劾參毋稍瞻徇其黽勉勤慎尙堪造就者二年差竣著該河督出具切實考語送部引見候旨錄用此係爲慎重河務起見其不諳河務者准其仍回本任不准乞恩改補地方如遇大挑年分仍照舊例分發試用著該河督隨時甄別各該員等務須實心學習期於熟諳宣防釐工熙績

以備國家任使

道光十五年三月諭河南巡撫桂良河工之要首在破除積習經理得人有人奏吳邦慶接任以來以河南候補同知通判試用縣丞候補州同府經歷改撥河工如果差委乏人不難奏請分發乃以地方候補人員紛紛改撥無非爲屬員謀缺地步歷年安瀾保舉不過十餘員上年保至二十五員之多未免冒濫該撫與吳邦慶駐紮不遠見聞必確著詳晰查明該河督保舉有無冒濫即據實迅速具奏毋稍瞻徇

文宗咸豐十一年四月河東河道總督由北岸移駐開封

穆宗同治二年裁蘭儀儀睢寧商虞曹考五廳及所屬十一汛州判縣丞主簿巡檢等員缺以咸豐五年六月下北廳蘭陽

銅瓦廂三堡漫口河流北徙由大清河入海舊河乾涸故也

德宗光緒七年十一月吏部奏通政使司副使張緒楷奏昔庫款充裕時東北兩河修防歲發數百萬保獎照軍營例處分亦嚴自庫款支絀歲修不及其半處分亦因之較寬然使大臣督率有方員弁力加振作實事求是涓滴歸公未始不足於用無如積弊已久減料偷工視爲故事甚且敷衍蒙蔽全飽私囊以致日就廢弛動輒漫溢當險工迭出之時不爲可慮轉覺可喜以爲獲咎不過革職留工耳不數月間修復即開復原官依然故我又可多領帑項從申侵漁此其尤堪痛恨者也非嚴爲懲劓不足以示警應請飭部嚴定處分一經革職永不敘用並不准留工効力等語查定例修築黃河隄岸定限保固一年修築

運河隄岸定限保固三年如黃河隄岸於半年內運河隄岸於一年內衝決者將經修防守之同知通判州縣等官均行革職道員降四級調用總河降三級留任俱公罪如已過保固年限衝決者經修官免議將管河防守各官革職戴罪修築道員降二級調用留工督修工完開復總河降一級留任俱公罪又定例凡隄岸衝決河流遷徙照前例處分外若隄岸因河水衝決河流不移係在保固限內者令經修官賠修在保固限外者令防守官賠修俱革職留任限六個月修完道員降四級督賠工完開復如限滿不完將賠修官革職道員照所降之級調用總河降一級留任俱公罪未完工程仍令賠修又河南省應修水利如有虛冒錢糧侵蝕入已以致工程不堅者將承修之員參

革治罪各等語此次張緒楷奏稱南北兩河修防減料偷工全飽私囊以致動輒潰溢迨險工疊出又復多領帑項從中侵漁等語此等情形近來河工恐在所不免自應嚴定處分以昭炯戒嗣後河工修防各員如經該上司奏參有減料偷工從中侵漁情事應即比照河南省應修水利如有虛冒錢糧侵蝕入已以致工程不堅者參革治罪例一律議以革職治罪如此從重辦理較之該副使原奏尤屬加嚴庶足以杜浮冒而重帑項查河工文武事同一律應請嗣後河工修防武職各員如經該上司奏參有減料偷工從中侵漁情事即從嚴議以革職治罪以懲貪墨而重工需





豫河續志卷十

沿革第二之九下

文武員弁

兵夫附

清初豫河各官制

管河道駐紮開封府 凡開封歸德及舊屬河道所管彰德衛  
輝懷慶各府河道俱歸併本道管 其所轄同知二員通判三員  
開封府屬

南河廳同知一員駐紮開封府

鄭州管河州判一員

祥符縣管河縣丞一員

祥符縣管河主簿一員

陽武縣管河縣丞一員

陽武縣管河主簿一員

滎澤縣管河縣丞一員

滎澤縣管河主簿一員

蘭陽縣管河縣丞一員

蘭陽縣管河主簿一員

儀封縣管河縣丞一員

儀封縣管河主簿一員

中牟縣管河縣丞一員

陳留縣管河縣丞一員

北河廳同知一員駐紮周橋

祥符縣管河縣丞一員

祥符縣管河主簿一員

陽武縣管河縣丞一員

陽武縣管河主簿一員

原武縣管河主簿一員

滎澤縣管河縣丞一員

滎澤縣管河主簿一員

蘭陽縣管河縣丞一員

蘭陽縣管河主簿一員

儀封縣管河縣丞一員

儀封縣管河主簿一員

封邱縣管河主簿一員

歸德府屬

分管河務通判一員駐紮考城

商邱縣管河主簿一員

虞城縣管河縣丞一員

虞城縣管河主簿一員

考城縣管河主簿一員

彰德府屬

安陽縣管河縣丞一員

湯陰縣管河典史一員

林縣管河典史一員

衛輝府屬

分管河務通判一員駐紮衛輝府

汲縣管河縣丞一員

新鄉縣管河縣丞一員

獲嘉縣管河縣丞一員

輝縣管河主簿一員

淇縣管河縣丞一員

懷慶府屬

分管河務通判一員駐紮懷慶府

河內縣管河縣丞一員

武陟縣管河縣丞一員

康熙時豫河各官制

管河道一員專管通省黃河南北兩岸及衛河丹河洹河沁河淇河各河道工程

開封府知府一員兼管府屬黃河工程

南河同知一員專管府屬黃河南岸工程

今分上下南河同知二員

北河同知一員專管府屬黃河北岸工程

今分上下北河同知二員

祥符縣知縣一員兼管本縣黃河工程

縣丞一員專管本

縣黃河南岸工程鄉徭堡夫一百七十二名 主簿一員專管本縣黃河北岸工程鄉徭堡夫五十六名

陳留縣知縣一員兼管本縣黃河工程 縣丞一員專管本縣黃河南北兩岸工程鄉堡夫一十六名

中牟縣知縣一員兼管本縣黃河工程 縣丞一員專管本縣黃河南岸工程鄉堡夫三十八名

陽武縣知縣一員兼管本縣黃河工程 縣丞一員專管本縣黃河南岸工程鄉堡夫一十八名 主簿一員專管本縣黃河北岸工程鄉堡夫三十六名

原武縣知縣一員兼管本縣黃河工程 主簿一員專管本縣北岸工程鄉堡夫八十八名

封邱縣知縣一員兼管本縣黃河工程 主簿一員專管本

縣黃河北岸工程鄉堡夫七十八名

今摺紳縣丞管河

蘭陽縣知縣一員兼管本縣黃河工程 縣丞一員專管本

縣黃河南岸工程鄉堡夫四十名 主簿一員專管本縣

黃河北岸工程鄉堡夫八十名

撥補曹縣夫十名

儀封縣知縣一員兼管本縣黃河工程 縣丞一員專管本

縣黃河南岸工程鄉堡夫六十六名 主簿一員專管本縣

黃河北岸工程鄉堡夫一百零六名

鄭州知州一員兼管本州黃河工程 州判一員專管本州

黃河南岸工程鄉夫六名

滎澤縣知縣一員兼管本縣黃河工程 縣丞一員專管本

縣黃河南岸工程鄉堡夫二十二名 主簿一員專管本縣

黃河北岸工程鄉堡夫六名

歸德府知府一員兼管府屬黃河工程

管河通判一員專管府屬黃河南岸工程北岸係山東界

商邱縣知縣一員兼管本縣黃河工程 主簿一員專管本

縣黃河南岸工程鄉堡夫四十二名

虞城縣知縣一員兼管本縣黃河工程 縣丞一員專管本

縣黃河南岸工程 主簿一員專管本縣黃河南岸工程以

上共堡夫六十名

考城縣知縣一員兼管本縣黃河工程 主簿一員專管本

縣黃河南岸工程鄉堡夫六十名



彰德府知府一員兼管府屬洹衛淇三河河道

管河同知一員專管府屬洹衛淇三河河道

河南管河道治河檔案云康熙

三十二年總河于成龍等題准彰德府河務向係同知專管通判有糧捕之責難以兼管應仍令該同知專管河務

安陽縣知縣一員兼管本縣洹河 縣丞一員專管本縣洹

河

湯陰縣知縣一員兼管本縣衛河 縣丞一員專管本縣衛

河

衛輝府知府一員兼管府屬衛河丹河河牯

管河通判一員專管府屬衛河丹河河牯

汲縣知縣一員兼管本縣衛河 縣丞一員專管本縣衛河

新鄉縣知縣一員兼管本縣衛河 縣丞一員專管本縣衛

河人夫一百名

輝縣知縣一員兼管本縣衛河源五牐 主簿一員專管本縣衛河源五牐人夫一百一十五名

獲嘉縣知縣一員兼管本縣小丹河 縣丞一員專管本縣小丹河

淇縣知縣一員兼管本縣淇河 縣丞一員專管本縣淇河 懷慶府知府一員兼管府屬黃河沁河大小丹河工程

管河通判一員專管府屬黃河沁河大小丹河工程駐紮清化鎮

河內縣知縣一員兼管本縣沁河大小丹河工程 縣丞一員專管本縣沁河大小丹河工程堡夫十名

修武縣知縣一員兼管本縣小丹河工程 縣丞一員專管  
本縣小丹河工程

武陟縣知縣一員兼管本縣黃河小丹河沁河工程 縣丞  
一員專管本縣黃河小丹河沁河工程堡夫一十四名

又內黃縣知縣一員兼管本縣衛河 縣丞一員專管本縣  
衛河 濬縣知縣一員兼管本縣衛河 縣丞一員專管本  
縣衛河 滑縣知縣一員兼管本縣衛河 縣丞一員專管  
本縣衛河

以上三縣原屬直隸大名府

乾嘉後豫河各官制

河南開歸陳許道屬

上南廳

按雍正二年添設同知乾隆四十七年改設守備原管開封府屬滎澤鄭州陽武中牟四縣境內黃河南岸隄

埽工程嘉慶十一年添設中河通判將中牟下汛撥歸中河

同知一員守備一員為汛四曰滎澤汛曰鄭州上汛曰鄭州

下汛曰中牟上汛滎澤汛縣丞一員滎鄭把總一員

按原設把總管

滎鄭陽中四州縣隄工乾隆四十七年改滎鄭協防為把總分管滎鄭二汛其陽中二汛改為千總嘉慶十一年將陽武南岸隄工奏隸中牟縣遂改中牟上汛千總十四年分鄭州為上下汛以上汛歸滎鄭把總管轄

十三名兵十五名

鄭州上下汛州判一員

按原管鄭州境內隄工後雖分汛隄河統管

管堡夫五十

名兵七十名

中牟上汛原設中牟縣丞一員分管中牟境內隄工乾隆四

十七年分汛為二別以上下裁陽武縣丞添設下汛縣丞原

設縣丞改爲上汛兼管陽武南岸隄工嘉慶十一年將陽武南岸之隄改歸中牟縣遂隸上汛縣丞管理千總一員乾隆四十七年添設原管陽武中牟二汛隄工嘉慶十一年改爲中牟上汛千總十四年改鄭州爲上下二汛以鄭下汛歸併管理名鄭中汛千總管堡夫三十名兵一百十五名

中河廳

按嘉慶十一年由開封府糧捕通判裁改並添設協辦守備中牟縣丞外委各一員

通判一員協辦守備一員中牟下汛縣丞一員外委一員爲汛一管堡夫四十八名兵一百名

下南河廳

按雍正二年分南河同知爲上下河廳原管祥符陳留蘭陽三縣境內河務乾隆四十八年南岸改築新

隄添設蘭儀通判將蘭陽汛撥歸管轄下南河廳止管祥符上下二汛並陳留汛河務乾隆四十七年添設協辦守備一員

同知一員協辦守備一員爲汛三曰祥符上汛曰祥符下汛

曰陳留汎祥符上汎縣丞一員千總一員原設分防把總乾隆四十七年改

管堡夫九十九名兵一百零七名

祥符下汎主簿一員外委一員管堡夫九十九名兵八十名

陳留汎縣丞一員分防外委一員按嘉慶九年裁汰祥陳把總改為外委管堡

夫三十二名兵三十二名

蘭儀廳按雍正二年分開封府屬之南河廳為二曰上南河下南河歸河廳本管歸德河務乾隆四年改歸河為儀考

通判管儀封考城兩縣境內河務四十八年南岸改築新隄將

下南河廳屬之蘭陽汎撥歸管轄改為蘭儀通判五十一添

設儀廳分儀封為上下汎改蘭儀通判為同知管蘭陽及儀

封上汎河務又乾隆四十七年設儀考都司四十八年改為蘭

陽都司道光五年併儀封廳地入蘭陽縣為蘭儀縣其儀封廳

管河經歷改為儀封司管河經歷仍分汎屬蘭陽儀封二廳

同知一員都司一員為汎二曰蘭陽汎曰儀封上汎

蘭陽汎縣丞一員千總一員按原設陳蘭分防外委隸下南河廳乾隆四十八年改為蘭陽

外委屬蘭儀廳五十年裁汰以濟寧衛千總改爲蘭陽千總道光三年添蘭陽汛額外外委一員管堡夫

五十四名兵六十五名

儀封上汛經歷一員

按原係儀封縣管河縣丞乾隆四十九年改爲儀封主簿五十年改爲儀封

經歷道光四年改儀封廳爲儀封鄉儀封廳管河經歷爲儀封司管河經歷

把總一員

按原管儀封一汛乾

隆四十八年添設下汛干

管堡夫二十名兵七十二名

儀睢廳

按乾隆五十一年因蘭儀睢寧兩廳所管新隄工程較多奏明將蘭儀通判改爲同知另設儀睢通判五十六

年因蘭儀都司所管隄工

通判一員協備一員爲汛二口儀封下汛曰睢州上汛

按睢州本

無河工乾隆四十八年新築南隄始在睢州境地

儀封下汛經歷一員

按合管上汛隄工並隸蘭儀廳轄

分防外委一員

按乾隆

十八年添設儀封下汛干總屬蘭儀廳轄五十管堡夫十八  
六年裁汰干總改爲分防外委撥隸儀睢通判

名兵三十二名

睢州上汛州同一員

按乾隆四十八年南岸改築新隄添設

把總一員

按乾隆四十八

年原設睢州上汛千總與州同同隸睢寧廳屬五十一年添設儀睢廳撥屬儀睢嘉慶八年裁汰千總改為把總

管

堡夫四十八名兵一百零四名

睢寧廳

按乾隆四十八年南岸改築新隄裁南陽府通判改設歸德府睢寧通判原管睢州寧陵兩境內黃河隄工五

十一年添設儀睢通判將睢州上汛撥隸儀睢五十六年改通判為同知嘉慶十年復改同知為通判乾隆四十八年添設協

員備一

通判一員協備一員為汛二曰睢州下汛曰寧陵汛

睢州下汛州判一員

按乾隆四十八年改考城縣丞為睢州下汛縣丞五十二年改為州判

防外委一員

按乾隆四十八年改考城汛分防外委為睢州下汛分防外委

管堡夫四十二

名兵八十六名



寧陵汛主簿一員

按乾隆四十八年裁儀封北岸主簿添設寧陵主簿

分防外委一員

按乾隆四十八年原設把總嘉慶十六年改寧陵把總爲商邱千總而改寧陵爲分防外委

管堡夫三十

二名兵四十名

商虞廳

按乾隆四年添設通判分歸河廳管商邱虞城兩縣河務乾隆元年添設協備隨同豫河營守備管理通工河

務乾隆四十七年改爲商虞協備

通判一員協備一員爲汛二曰商邱汛曰虞城上汛

商邱汛主簿一員千總一員

按原設商考虞千總乾隆四十七年改爲商邱千總

管堡

夫五十六名兵七十六名

虞城上汛主簿一員分防外委一員管堡夫四十四名兵六

十四名

歸河廳

按嘉慶十六年添設通判裁商邱汛千總改歸河協備道光四年十二月改歸德府通判永城縣薛家湖集

添設守備外委各一員駐永城縣移永城縣千總駐虞城汛虞城汛把總駐永城縣新橋集改永城縣山城集額外外委爲經制外委添設歸德營存城額外外委

通判一員協備一員爲汛一曰虞城下汛

虞城下汛縣丞一員分防外委一員管堡夫四十四名兵六

十名

### 河南河北道屬

黃沁廳 按沁河向設通判一員專管丹沁諸河康熙年間懷慶府屬武陟縣黃河向無專員管理雍正二年副總河積會筠奏添懷慶府黃河通判專管武陟滎澤二縣境內黃河北岸河務乾隆七年總河白鍾山請裁沁河通判將原管武陟河內二縣沁河兩岸民修隄工及丹河等水利泉源歸於該府糧捕通判其武陟木樂店婦工改歸黃河同知就近兼管名黃沁同知五十二年與南岸唯寧通判互易仍改同知爲通判嘉慶十年復與睢寧互易仍改衙爲同知乾隆四十九年將上北廳原管之武陟汛隄三十七里零撥歸黃沁廳管轄並添協辦守備一員至今因之

同知一員協備一員設兵一百八十六名堡夫二百三十一

名爲汛三日武陟汛曰滎澤汛曰原武汛

武陟汛縣丞一員按舊管沁黃二河工程乾隆七年改爲專管黃河隄工武滎汛把總

一員武陟分防外委一員今兼管攔黃壩

滎澤汛主簿一員把總卽武陟汛兼管

原武汛主簿一員分防外委一員

衛糧廳按開封府黃河北岸康熙時止設同知一員分原管之

武封邱三縣境內隄工七年設懷河營守備統理北岸工程乾隆四十九年部議覆准四十六年大學士公阿桂總河韓鑠等

請添豫省都司二員協辦守備二員隨廳分地管理上北始有協辦守備五十年將原武汛隄三十七里零撥隸黃沁廳管理

以下北河所屬祥符汛隄三十里零改隸上北經管陽武陽封邱

封邱祥符四汛嘉慶八年總河稽承志奏准以陽武陽封邱

三汛隄工改隸衛輝府管糧通判管理名上北衛糧廳以祥符

汛地專令上北同知管理改名祥河復改上北都司爲祥河都

司裁睢州上汛千總添設陽封協備  
專管上北衛糧所屬工程至今因之

通判一員協辦守備一員額設河兵一百七十名堡夫一百

四十五名埽夫二十名爲汛三日陽武汛曰陽封汛曰封邱

汛

陽武汛主簿一員分防外委一員

陽封汛縣丞一員

按縣丞隸封邱乾隆四十六年裁汰獲嘉縣丞添設是缺

分防外委一

員

本係把總乾隆五十年改爲祥封把總以封邱下汛外委改爲陽封外委

封邱汛主簿一員分防外委一員

嘉慶八年添設管上汛

千總一員

嘉慶九年添設管下汛

祥河廳

按祥符北岸一汛雍正二年分設下北廳後原隸下北乾隆四十九年改隸上北嘉慶八年以上北所屬之陽

武陽封封邱三汛改隸衛糧通判兼管以祥符汛內十二堡至十六堡險工疊生乃將頭堡至十七堡隄埽工程專令上北同

知管理改名祥河同知添設陽封協備  
改上北都司為祥河都司至今因之

同知一員都司一員所屬祥符主簿一員把總一員  
嘉慶八年改祥

符上汛把總管堡夫六十五名場夫二十名兵夫九十八名

按行水金鑑載祥符北岸隄工長五十里陳留縣北岸隄工

長一百一十丈而續河南通志載祥符北岸隄長三十二里

九千一丈陳留北岸隄長十九里九千丈比之金鑑祥符少隄

三千一百五十五丈陳留多隄三千四百丈而通志及現在圖

繪陳留汛隄僅有二堡其祥符上下二汛共有隄長五十五

里雖與金鑑所載之數較多而與續志所開隄數則大相懸

殊續志似有錯誤

下北廳按雍正二年北岸添設上北廳後下北廳原管祥符陳  
留蘭陽儀封四縣境內隄工下至山東曹縣交界乾隆  
五年總河白鍾山奏添曹儀通判將儀封一汛撥交管理四十  
九年總河蘭第錫奏准將祥符汛地頭堡至十六堡下止隄長  
五千一百四十二丈撥歸上北廳管理又將蘭陽汛地分為二  
以下汛隄長二千七百餘丈改隄曹考下北廳止管祥符汛十  
七堡起至蘭陽上汛隄埽止守備係雍正七年所設懷河  
營原缺惟昔係統轄河北各汛後則隨廳分析汛地漸促

同知一員守備一員堡夫九十七名兵一百九十名爲汛二

曰祥陳汛曰蘭陽上汛

祥陳汛巡檢一員

雍正一年添設

分防外委一員

按本設祥陳把總嘉慶八年改爲分

防外委

蘭陽上汛主簿一員千總一員

曹考廳

按山東曹縣黃河北岸隄工原隸曹單同知河南儀封黃河北岸隄工本隸下北河同知續河南通志載乾隆

五年二月總河白鍾山請於曹州添設曹儀通判專管曹縣曹家莊起至儀封縣與蘭陽縣交界止河道工程聽山東河道河南河北道各行督察其原設之黃河同知卽爲曹單同知四十八年儀封曲家樓決口屢堵未成大學士公阿桂等奏移黃河於南隄之南另闢新河改南隄爲北隄移考城縣治於北岸張村集屬衛輝府將南岸考城之地全歸睢州北岸儀封之地全歸考城乃改曹儀通判爲曹考四十九年以下北河廳所管之蘭陽下汛分隄長十五里改歸曹考管轄初設蘭儀通判之始本無營備在山東者綠黃運守備在河南者隸懷河營守備四十六年大學士公阿桂總河韓傑請添豫省河營都司二員協

辦守備二員隨廳分地管理於四十九年部議覆准添設曹考  
遂設都司名懷河營都司五十二年與上北對調乃改都司爲  
協備至  
今因之

通判一員協辦守備一員堡夫六十四名兵五十名爲汛三

曰蘭陽下汛曰考城汛曰曹上汛

蘭陽下汛巡檢一員

按雍正五年添設名蘭儀巡檢乾隆四十九年添管考城汛頭堡至八堡新舊

隄工名蘭考巡檢

分防外委一員

按原設蘭儀千總乾隆四十六年改爲蘭封北岸千總四十九年裁

千總改爲分防外委專管蘭陽下汛

考城汛主簿一員

按乾隆四十八年隨縣移駐北岸

分防外委一員

按道光二年三

月添設考城營遊擊守備各一員

曹上汛

不屬河南故從畧

歷代河務職官姓名表

凡河務專官其有姓名可考者自夏迄明列表於左

上古

夏后禹

唐虞時司空

商侯冥

夏時水官

漢

徐伯表

武帝時水工

王延世

宣帝時河隄使者

許商

成帝時河隄都尉

平

當 哀帝時使領河隄

王景

明帝時河隄謁者

王吳

明帝時將作謁者

王誨

順帝時河隄謁者

司馬登

順帝時河隄謁者

晉

樂世

武帝時都匠中郎將

自南北朝至唐亦有於河務有功而姓名可考者因非專

職故從畧



五代

李筠 後唐時河堰牙官

宋

梁 睿 太宗時巡河供奉官

鄧守恩 真宗時修河提轄

張君平 仁宗時修河都監

魯宗道 仁宗時總河事

張懷恩 仁宗時都水監

楊 緯 仁宗時勾當河渠事

張 鞏 英宗時判都水監

李立之 神宗時都水監丞

李神祐 太宗時南作坊副使

張惟吉 仁宗時修河都提轄

李 渭 仁宗時北作坊副使

李仲昌 仁宗時提舉河渠

韓 贄 仁宗時判都水監

蔡 挺 仁宗時勾當河渠事

王 亞 英宗時提舉河渠

程 昉 神宗時制置河防水利司

范子淵 神宗時都水監丞

宋昌言 神宗時都水監丞

劉璿 神宗時都水監丞

俞光 神宗時判都水監

俞充 神宗時判都水監

陳祐甫 神宗時判外監丞

侯叔獻 神宗時都水監丞

孫民先 神宗時水官

吳安持 哲宗時都水使者

李偉 哲宗時都水監丞

張商英 哲宗時專功提舉河事

王令圖 哲宗時領都水

賈種民 哲宗時水官

王孝先 哲宗時都水使者

鄭祐 哲宗時都水監丞

王宗望 哲宗時都水使者

郭祐 哲宗時都水監丞

曾孝廣 哲宗時都水監丞

馮忱之 哲宗時都水監丞

孟昌齡 徽宗時都水使者

孟揚 徽宗時都水使者

魯君貺 徽宗時都水使者

陳求道 徽宗時判都水監

吳玠 徽宗時都水使者

孟揆 欽宗時都水使者

金

王汝嘉 世宗時都水少監

大齡壽 世宗時都水少監

田樂 章宗時都水監丞

輿忠孝 章宗時河平軍節度使兼都水監

元

馬良弼 世祖時都水監丞

郭守敬 世祖時都水監丞

尙野 成宗時懷子河渠副使

陳仁祖 都水使者

賈魯 順帝時總治河防使

魯魯 順帝時大司農兼領都水監

明

王恕 陝西三原人進士刑部右侍郎成化時總理河道

白 昂 江南武進人進士戶部侍郎總督河道

婁 性 兵部郎中協治河道

陳 政 工部尚書兼都察院僉都御史總督河道

劉大夏 湖廣華容人進士兵部尚書兼都察院副都御史總督黃河

陳 銳 平江伯協理河道以上均弘治時

崔 巖 工部侍郎兼都察院副都御史修理河道

李 鏗 湖廣蘄州人進士工部右侍郎兼都察院僉都御史總理修河

李 燧 總督河道

張 鳳 都察院僉都御史總督河道

劉 愷 都察院右副都御史總督河道

趙 璜 工部右侍郎兼都察院僉都御史總督河道

翼 弘 江右嘉定人進士工部右侍郎兼都察院右副都御史總督河道 以上均正德時

章 拯 工部侍郎兼都察院僉都御史總督河道

盛應期 江右吳江人進士都察院都御史總督河道

潘希曾 浙江金華人進士工部右侍郎兼都察院僉都御史總督河道

李 緋 河南固始人進士都察院右副都御史總督河道

戴時宗 兵部尚書兼都察院副都御史總督河道

朱 裳 北直隸沙河人進士都察院右副都御史總督河道

劉天和 湖廣麻城人進士都察院右副都御史總督河道

李如圭 湖廣豐州人進士兵部侍郎兼都察院副都御史總督河道

于 湛 江右金壇人進士都察院副都御史總督河道

李 瓚 山東濮州人進士戶部尚書總督河道

胡纘宗 山東泰安人進士都察院都御史總督河道

郭持平 都察院右副都御史總督河道

王以旂 江南江寧人進士兵部右侍郎總督河道

周用 江南吳江人進士吏部尚書總督河道

韓邦奇 陝西朝邑人進士都察院右副都御史總督河道

詹瀚 江西玉山人進士刑部尚書總督河道

何鰲 浙江山陰人進士都察院右副都御史總督河道

連鑛 北直隸永年人進士都察院右副都御史總督河道

曾鈞 江西進賢人進士都察院右副都御史工部右侍郎總督河道

胡楯 江西南昌人進士都察院右副都御史總督河道

孫應奎 浙江餘姚人進士都察院右副都御史總督河道

孫應奎 浙江餘姚人進士都察院右副都御史總督河道

沿革

三

王廷 四川南充人進士都察院右副都御史總督河道

胡松 江南績溪人進士總督河道

林應亮 福建侯官人進士戶部右侍郎兼都察院右副都御史總督河道

孫植 浙江平湖人進士都察院右僉都御史總督河道

王士翹 江西安福人進士都察院右副都御史總督河道

于湛 見前嘉靖二十四年復任

吳桂芳 都察院右副都御史總督河道

陳堯 北直隸通州人進士工部右侍郎兼都察院僉都御史總督河道

李遷 江西新建人進士工部右侍郎總督河道

孫慎 都察院右僉都御史總督河道

朱衡 江西萬安人進士工部尚書兼都察院副都御史總督河道

潘季馴

浙江歸安人進士嘉靖四十四年總督河道以上均嘉靖時

翁大立

浙江餘姚人進士都察院右副都御史總督河道

潘季馴

見前隆慶四年再任

陳大賓

工部右侍郎兼都察院僉都御史總督河道

朱衡

見前隆慶六年再任

萬恭

江西南昌人進士兵部左侍郎兼都察院僉都御史總督河道

周于德

督理兩淮鹽課都御史兼理河道以上均隆慶時

傅希摯

北直隸衡水人進士督理河道

徐棡

兵部右侍郎兼都察院僉都御史總督河道

潘季馴

見前刑部右侍郎三任

李世達

陝西涇陽人進士都察院右副都御史總督河道

潘季馴

見前

沿革

上監



吳桂芳

江西新建人進士萬曆六年以總漕兼任總河

潘季馴

見前工部尙書加太子太保四任總河

舒應龍

江西全州人進士工部尙書總理河道

顧養謙

工部尙書總理河道

楊一魁

山西解州人進士工部尙書兼都察院副都御史總理河道

劉東星

山西沁水人進士工部尙書兼都察院僉都御史總理河道

李頤

江西餘干人工部右侍郎兼都察院副都御史總理河道

曾如春

江西臨川人進士河南巡撫陞工部右侍郎兼都察院右僉都御史總理河道

李三才

北直隸通州人以淮撫兼管總理河道

李化龍

北直隸長垣人進士太子少保總理河道

曹時聘

應天巡撫工部右侍郎總理河道

周孔教

江西臨川人進士應天巡撫都察院副都御史總理河道

劉士忠

陝西華州人進士都察院右僉都御史總理河道

李景元

北直隸大名府人進士工部侍郎兼都察院右僉都御史總理河道

吳桂芳

見前工部右侍郎兼都察院右僉都御史再任

鄒應龍

廣西全川人進士工部尚書總理河道

王佐

浙江鄞縣人進士工部尚書總理河道以上均萬曆時

王在晉

兵部右侍郎總理河道

陳道亨

江西新建人進士工部左侍郎兼都察院僉都御史總理河道以上均泰昌時

房壯麗

工部右侍郎總理河道

南居益

陝西渭南人進士工部右侍郎總理河道

李從心

工部尚書總理河道

張九德 工部尚書兼都察院副都御史  
總理河道 以上均天啟時

丁啟睿 刑部侍郎  
總理河道

李若星 總理河道

朱光祚 湖廣江陵人進士工部尚書兼  
都察院副都御史總理河道

劉榮嗣 北直隸曲周人進士工部尚書  
都察院右副都御史總理河道

周鼎 江南宜興人進士  
總理河道

張國維 浙江東陽人進士工部右侍郎  
兼都察院僉都御史總理河道

黃希憲 總理河道

周堪賡 總理河道  
以上均崇禎時

總河以下之專官附列於後

何陞 天順時管  
河參議

陳綺 弘治時管  
河賦中

諒 緝 弘治時管  
河員外郎

張 鼐 弘治時管  
河副使

畢濟時 正德時管  
河郎中

何 棟 嘉靖時管  
河郎中

陶 諧 嘉靖時河南副  
使管理河道

郭應奎 嘉靖時管  
河郎中

封祖裔 嘉靖時管  
河員外郎

章時鸞 隆慶時管  
隄副使

張貞觀 萬曆時勘  
河給事中

常居敬 萬曆時督理  
河工給事中

袁光宇 萬曆時管  
河主事

余希周 萬曆時河  
道僉事

全良範 萬曆時  
管河道

徐可大 萬曆時管  
河同知

顧三鳳 萬曆時管  
河參政

李茂松 山西太原人舉人崇禎十五  
年任工部都水司駐輝縣

申勝芳 江南人恩貢崇禎十  
七年任工部都水司

清時治河各官已見前志不復贅



兵夫

漢武帝元光三年河水徙從頓邱東南流入渤海五月河決濮陽汜郡十六發卒十萬救決河

自河決瓠子後二十餘歲天子旣封禪明年旱乾封天子乃使汲仁郭昌發卒數萬人塞瓠子決

魏明帝景初二年以河水底柱以下五戶已上其間一百二十里有十九灘遺都督沙邱部監運諫議大夫寇谷帥工五千人平其咀歲常修治

晉武帝泰始三年五月以底柱十九灘水流迅急勢同三峽遣監運大中大夫趙國當有姓名原闕都匠中郎將河東樂世帥衆五千餘人修治河灘

後晉天福二年九月汴州陽武縣主簿左墀進策十七條其一請於黃河夾岸仍防秋水暴漲差上戶充隄長一年一替委縣令十日一巡敕曰修葺河岸深護田農每歲差隄長巡檢深爲濟要逐旬遣縣令看行稍恐煩勞隄長可差縣令宜止

宋太祖乾德三年秋大霖雨開封河決陽武又孟州水漲壞中渾橋梁澶鄆亦言河決詔發兵治之

時諸國尙未一統正用兵之際不遣丁夫而以兵治河宋之重農惜民有可嘉者

乾德四年八月滑州河決壞靈河大隄發士卒丁夫數萬人治之是年潘美方用兵南漢或以兵之不足始用丁夫歟

開寶五年五月詔發諸州兵及丁夫凡五萬人治陽武濮陽等

處河決遣潁州團練使曹翰護其役

太宗太平興國三年夏詔發鄭之丁夫千五百人與卒千人命翟守素領護之塞滎陽決河

太平興國八年五月詔發丁夫塞滑州河決隄久不成帝憂之遣樞密直學士張齊賢乘傳詣白馬津用太牢加璧以祭十二月滑州言決河塞羣臣稱賀

太平興國九年春滑州復言黃河決帝曰近以河決韓村發民治隄不成安可重困吾民當以諸軍代之乃發卒五萬以待衛步軍都指揮使田重進領其役又命翰林學士宋白祭白馬津沈以太牢加璧未幾役成

眞宗咸平五年車駕巡師大名調丁夫十五萬修黃汴河鹽鐵



判官王濟以爲勞民詔濟馳往經度還奏省十六七

天禧三年六月發兵夫九萬人治滑州南岸天臺山河溢

天禧四年六月河復決天臺下走衛南浮徐濟害如三年而益甚帝以新經賦率慮殫困民力卽詔京東西河北路經水災州軍勿復科調丁夫其守捍隄防役兵仍令長吏存恤而番休之仁宗天聖五年七月發丁夫三萬八千卒二萬一千緡錢五十萬塞滑州河決

哲宗元祐初以吳安持爲都水使者委以東流之事京東河北五百里內差夫五百里外出錢僱夫及支借常平倉司錢買梢草斬伐檮柳

元符二年二月北外都水丞李偉以河北京東河溢言相度大

小河口乘此水勢衰弱並先修閉各立蛾眉埽鎮壓乞於河北  
京東兩路差夫三萬人其他夫數令修河官和僱

徽宗大觀二年五月趙彞上免夫之議大畧謂黃河調發人夫  
修築埽岸每歲春首騷動數路常致敗家破產今春滑州魚池  
埽合起夫役嘗令送免之直用以買土增貼埽岸比之調夫反  
有贏餘乞詔有司應隄埽合調春夫並依此例立爲永法詔曰  
河防夫工歲役十萬濱河之民困於調發可上戶出錢免役下  
戶出力充役其相度條畫以聞

欽宗靖康元年三月京西轉運司言本路歲科河防夫三萬溝  
河夫一萬八千緣連年不稔羣盜劫掠民力困弊乞量數減放  
詔減八千人

金世宗大定十八年二月發六百里內軍夫並取職官人力之半餘聽發民夫以尙書工部郎中張大節同知南京留守高蘇董役修築白溝河決

大定二十年詔於歸德府勅設巡河官一員埽兵二百人且詔頻役之地與免今年稅賦

大定二十六年十月上謂宰臣曰朕聞亡宋河防一步置一人可添設河防軍數

大定二十九年十二月工部言營築河隄用工六百八十萬餘就用埽兵軍夫外有四百三十餘萬工當用民夫遂詔命去役所五百里州府差催於不差之地均徵僱錢驗物力料之每工錢百五十文外日支官錢五十文米升半仍命彰化節度使內

廢齋都水少監大齡壽提控五百人往來彈壓

元世祖至元二十五年六月汴梁路陽武縣諸處河決二十二所漂蕩麥禾房舍委宣慰司督本路差夫修治

成宗大德元年五月發汴梁民三萬餘人塞河決

大德十年正月發河南民十萬築河防

以去年河決汴梁歸德陳州等處也

文宗至順三年十月發民丁二千二百五十人修楚丘縣河隄  
明太祖洪武八年詔河南參政安然集民夫三萬餘人塞開封府大黃寺河決

洪武二十五年冬十月發河南開封等府民丁及安吉等十七衛軍士修築陽武縣河防

太宗永樂七年正月河南陳州衛言河水衝決城垣三百七十

六文護城隄二千餘丈請以軍民兼修從之

永樂九年七月河南濬黃河故道訖工凡役民丁十一萬四百有奇月餘而畢

英宗正統十三年六月河南陳留縣奏今年五月間河水泛漲衝決金村隄及黑潭南岸已倩人夫修築將完復決比舊闊深難制乞命軍夫協力修築從之

孝宗弘治二年命侍郎白昂治汴城河濫役夫三十五萬遂塞荆隆口於滎澤開渠道河由陳潁至壽州達於淮

弘治五年河溢汴梁之東蘭陽鄆城諸縣皆被其害復決楊家金龍等口潰黃陵岡再犯張秋遣工部左侍郎陳政總領疏濬修築之事已集河南丁夫八萬人山東丁夫五萬人鳳陽大名

丁夫二萬人隨地興工分官督役奏上未幾政卒

武宗正德元年刑部左侍郎何鑑以黃河已平議停簽防河夫役事下巡撫河南都御史陶琰查奏河患不常先年荆隆口決水奔入海漕河失利治河大臣建議起夫併力修塞其患始息因備行一省隨戶丁之多寡編簽河夫五萬八千七百餘名以備之近已減五分之一矣若再停革恐非先朝預防之意況所設雖有前數亦惟用於有事之日若河流循軌固不妨廢農業但宜嚴禁有司勿頻擾而私役之耳工部覆奏謂勿革便從之世宗嘉靖七年四月總督河道右都御史盛應期言治河丁夫七萬計工六月約費米十萬餘石乞假留河南山東二省起運糧米四五萬石就近給工詔如所請或米已起兌許於臨清倉

內支用卽以修河銀解還太倉

劉天和問水集曰隄舖夫守隄防河所繫甚重予歷詢之多遠地之民赴役有數十里外者有別州縣編役者且歲一更易以故隄多坍塌柳多砍伐甚至河水已至或被盜決而官猶未知坐失防禦爲害匪輕已經行令將近舖居民編當如徭役已定則將別差更換別州縣者亦將別差覓編以後編役更不必改易仍將本舖所管隄岸每夫畫地分管專合修隄植柳時闕而勸懲之均爲徭役初無損於公家而舖夫便於守視隄自固矣

萬恭治水筌蹄曰徐州參將營屬總河而總理督兩直隸山東河南四省軍務皆始於隆慶一爲護運一爲聯絡中原也

先是四省多盜一省擒之則逃散三省兵權不一以故中原多盜且劫掠運艘輕齎歲饑則殺越而奪之糧往往見告矣乃以總河兼制之盜發則檄四省十二兵備會擒之隆慶末萬曆初盜亡得脫者自是衰息而又以山東管河副使兼濟寧兵備屬兵一千徐州參將正二三四五月運盛行則提徐州軍壯八百名駐於徐以護運爲左哨五六月提歸德卒一千駐於商邱以備高穉之匿盜者爲右哨九十一月二月提宿州卒七百駐於宿以右控河南左制江北爲中軍盜小發則分營三擒之大發則合營總擒之而十二兵備之兵雖穎翼於西徐揚振於南濟沂犄於東濟曹臨天大名之兵角於北數千里響應蓋朝廷有深意矣



嘉靖十七年七月先是總理河道右副都御史于湛奏原設河夫二千三百餘名今黃河南徙夫役無用量留五百名備修隄岸其一千八百名折銀貯庫以備河道支用工部覆議從之

嘉靖二十六年二月戶科給事中陳棻疏請減河役以蘇民困謂兩直隸山東河南先年設牐夫河夫堡夫遠者徵銀近者給役以供黃河修築之用今皆積有盈餘而歲徵如故民實不堪宜量爲減免待河工興舉銀力不敷仍舊徵派工部議覆報可穆宗隆慶六年七月詔派兩直隸山東河南河夫於各州縣毋偏累瀕河地方

神宗萬曆四年十二月免河南本年應徵河夫堡夫銀三萬二千餘兩未調夫役免追曠工已調實夫更班歇役

萬曆六年七月巡撫直隸御史崔廷試題稱各州邑所派之夫日給三分而遠者日給七八分次亦不下五六分彼里甲所取辦民已不勝其苦矣事竣之時當事者又多裁削之或遇有衝決輒令復築不復計工夫洪水所衝何堅不破而可令窮民賠償耶以後量從寬處免其扣累庶幾民忘其勞而稱佚道之使也上允行之

萬曆十六年都給事中常居敬上河工大舉疏一議處工食以卹貧民臣等查得估計修築隄壩工程每築方廣一丈高五寸爲一工每夫一名日完一工方給工食銀三分三釐三毫夫以一人而日築一工已爲難完況取土有遠近之不一填築有險夷之不同概以一例計工旣不能依期報完復又計工給銀安

望盡滿所望且今歲米價騰貴數倍往昔一工給銀三分三釐三毫亦不足其食用若一日不完一工則所得工食益不足以餬口無惑乎每遇募夫召之不至也合無將今歲做工夫役每一工給工食銀四分如取土在百步之內及在平地修築者俱仍以方一丈高五寸爲一工若在坑坎水內填築及在百步之外取土者酌量減其寸數俱每工給銀四分如此則工食既加而養贍足工程有等而勞逸均人心亦知樂從矣其已後成熟年分仍照舊查給 一議處厥夫以杜偏累臣等查臨河祥符等縣設有官廠八處收貯梢草椿麻以備捲埽每廠原有厥夫二名或三名令其看守物料先年俱於各州縣堡夫內選殷實大戶充之凡管厥官合用心紅紙劄並僱覓書手造寫循環倒

換盤纏及僱人曬晾物料並修理廠房牆垣允費百出每名每年費銀五六十兩如遇不才官員需索常例費至百金者有之後因稱累以堡夫二名朋應廠夫一名每年工食銀四十八兩至萬曆十三年該前任巡撫臧惟一允河道議每名裁定工食銀三十六兩以其數非不多也不知工食有限而額外之費無窮夫廠夫原以看廠爲名惟曬晾物料是其職守乃至責以不賞之費磨累無休身家蕩敗無惑乎合口稱苦不敢承役也相應痛革以後每廠夫一名以二人當之給條鞭工食銀二十四兩扣除十二兩存貯官庫不許復簽正頭惟召募鄰近土民充當一切雜費如管河官心紅紙劄等項量於編派其登報文冊修理牆垣卽於前扣銀內申請動支不許濫派廠夫出辦惟稍

草等料有沍爛數多各役失於苫蓋曬瞭者姑免問罪令其量  
賠如此庶需索之弊旣革而厥夫之害可免矣 一及時給散  
以杜侵剋臣等查得河工全賴人夫夫役全資工食河道錢糧  
俱貯府庫管河官不得自由必至河岸衝決方議調人夫請支  
錢糧已無及矣合無每遇春時該道行管河同知通判等官赴  
府領銀分發沿河州縣專備不時之需遇有河患一面募夫一  
面申請事完稽查庶不耽誤至於給散工食往時獨責之各縣  
管河佐貳官各官多不親理又委之部夫醫等官稱鑿給散  
其中不免扣剋以致各夫鮮受實惠合無以後給散河夫工食  
俱聽該府管河官督同各縣掌印官跟同包封唱名給散再不  
許令各縣部夫官總領致滋姦弊如府管河官偶在別縣督工

一時不暇者聽各縣掌印管河官徑自給散如此庶扣減之弊  
既除而夫役之逃可免矣

萬曆十七年總河潘季馴疏河防在隄而守隄在人宜令隄壩  
之上每二里修一堡房令堡老堡夫常川駐守防護埽岸修補  
坍塌填塞穴窩看守柳株三伏九秋之間不分風雨晝夜防守  
法至備矣但不周恤人心易怠宜於近隄官地堡老給與六畝  
堡夫五畝以便耕種稍助食用仍給帖照免其糧差則人心樂  
爲之用而隄防可久矣從之

萬曆十九年五月總督河道都御史潘季馴條議一設長夫以  
備修守一改隄夫一專疏濬部覆俱依議行

萬曆三十年六月工部尙書姚繼可覆山西沁州知州俞汝爲

條陳河務一夫役募集之方宜酌河工重大役民動以萬計當此災傷之後沿門起夫裹糧從役大拂民情儻行臣前議開河止於通水借水刷之可省工力十分之四塞河用船用囊沙二法可省工力十分之三往時用夫十二萬十四萬者今可用夫七八萬而此七八萬先借留河南山東鳳陽班軍次宜借洪夫孺夫及淮安牙募夫總計二萬有餘此輩有本等工食每日每人加給銀一分約束頗易然後議起民夫選能幹有司統之並力興作河工自可計日就緒矣詔從議行

萬曆三十三年十二月工部覆河道總督曹時聘條議大挑事宜一募夫役謂烏合之衆漫無統紀勢不得不借力於有司議派山東募夫十萬河南六萬江北四萬聽各司道劑量均派掌

印官親押赴工督催開濬

莊烈帝崇禎五年二月工部尙書曹珣疏覆河南巡按李日宣條議河道四款一爲核實工役河防易隳率由夫役多虛冒與工料無實用耳必使夫役旣無影占工食始免虛糜是宜按月消算通行截給每月終印官出印領關支不遲一日不冒一工如有包佑侵剋與工料不實卽以爲印河之功罪

崇禎十六年二月總河周堪廣上言河之決口有二一爲朱家寨寬二里許一爲馬家口寬一里餘兩口相距三十里至汴隄之外合爲一流決一大口直衝汴城怒濤千頃工力難施必廣濬舊濬數十里然後畚鍤可措顧築濬並舉需夫三萬河北荒旱竟西兵火竭力以供不滿萬人河南萬死一生之餘未嘗能



應募否是不借不得助撫鎮之兵也乃敕工部速議而令堪賡  
刻期興工

清世祖順治十二年三月工部覆總河朱之錫指陳事議得黃  
河自元年以來南北屢決民受募夫辦柳之累已極河工築塞  
令官自募夫稍能餬口誰肯應募應募者必無賴貧民工食入  
手難保不逃至於埽料用柳繁多柳復不產一處若令官買官  
難分身必假吏胥則包攬冒破之弊益生然則治河必用夫柳  
夫柳必出於里甲民雖勞誠有不得不然者但河臣所稱依規  
給價采柳按日給夫官銀未必無剋扣折乾需索情弊況更有  
有司之借題科斂委員之包攬冒破皆其重爲民累者河臣雖  
專力治河恐耳目不能徧及相應該督撫協同不時體訪務令

工食價值實實沾被於民如有剋扣使費科派准折等弊立行題參以蘇民累可也奉旨依議嚴飭行

順治十六年正月總河朱之錫題爲陳明河南夫役事竊照黃河經由河南地界南岸自滎澤縣隄界起至虞城縣界止計六百四十里北岸自武陟縣隄界起至考城縣界止計三百四十餘里山東之境僅北岸歷曹單二縣計二百里每歲修守固有成例但查曹單額設夫數除裁減抽民外尙有徭夫一千三百零八名看隄鋪夫一百八十六名河南開歸等府止現在堡夫八百餘名臣檄查該省河屬舊籍皆已散失無考僅檢得前河臣翁大立疏草內開河南黃河夫役每年五百里內七十三州縣編做工河夫一萬五千七百六十二名半每名做工三箇月

工食銀三兩共計工食四萬七千二百八十七兩五錢五百里外三十五州縣編徵銀河夫一萬一千六十一名每名徵銀三兩共計銀三萬三千一百八十三兩聽候辦料及僱夫支用若臨河二十六州縣又於均徭內編簽堡夫一千一百五十七名看守隄壩船廠等役每名工食銀一十二兩共計銀一萬三千八十四兩又檢得前河臣潘季馴河防書內開河南山東自造隄成後無復衝決者夫力多也今徐北至單縣界現修隄壩長一百五十餘里而夫役止七百餘名是每里僅四五名耳其何能濟夫以百餘里之隄猶以七百名爲少河南兩隄所云夫多者又可類推矣隆萬年間該省歲修夫數大概如此不知何時更變五百里內亦止一例徵銀計通省歲額共八萬八千餘兩

本朝以來除歲荒缺額不及三萬此外止察出新增銀一千有奇河工歲修仍沿明季之制每年估計準工鳩夫計夫給食隄工以土方論埽工以日期論在官曰募其實在民不得不計畝而派總以河工之役最苦日給之食本廉若憑空號召縱懸金市門誰則肯應若欲概從民間平價則河帑雖裕勢亦不敷據萬曆時黃河全書內河臣劉士忠有云貧者不肯應募富者論地派夫卽翁大立疏內旣稱河夫每名工食銀三兩而亦不免曰編者是募夫之法又必兼派而行不特今時爲然也若以黃河已決爲有事歲修爲安瀾衡量夫數則前河臣曾如春曹時聘蒙墻之役兩請帑金至二百萬用夫三十萬者一決口也去歲雷家集柴溝姚家蕩用夫不過數百名者亦一決口也由前

言之則積數十年歲修而有餘由後言之則第較歲修一工且不足是又未可執一而論卽所云安瀾之義正以爲河本湍激未至橫流謂之曰安然其湍激之性固無分於已決未決也伏秋水漲數里之岸呼吸而至一當埽灣迎溜之所非有埽護之縱有重障如穿縞葭其防之也一里之隄非三萬餘工不成高一丈長十丈之埽非千人數百人不任推挽今歲之隄歷再歲而風雨之所淋卸車道穰穴之所毀蝕高者已卑厚者已薄加以濁流無定條南條北縷隄不支棄而守月月隄之內不得不又議土工是故朝廷設官無不以節財愛民爲職獨治河一事以勞民者保民費財者經國歲修之制載在敕書豈不欲與民休息哉河之所在勢固無如何耳現在河南夫數屢經諸臣條

臣未免以夫多爲疑臣惟該省瘡痍雖經新復洪流寧異昔時  
今雖不必遠照隆萬舊例若徒一意銳縮勢必馴至坐斃之患  
案查臣於去年十一月內題覆河南按臣李及秀河夫之徵派  
當更一疏據司道府廳僉議通省夫數已經部覆行臣會同河  
南撫臣覆議奉有諭旨但臣職掌所關河道情形得於目擊夫  
役規則亦屬司存任其責而不究事體原委與事體不干典守  
而緘默不以入告皆溺職也除前摺容臣會同河南撫臣賈漢  
復覆議具題另候部覆外所有河道夫役事宜覆議疏內不便  
備述謹具專疏陳明奉旨依議

十二月工部覆總河朱之錫疏稱塞大王廟決工河南初時每  
起四十五頃派夫一名久後不足故爲二十二頃五十畝派夫

一名此外歲修用夫不在大王廟工數內況此一萬二千五百餘名不過通省虛額量工調用足用而止原非一概全役堡夫一項僅有八百餘名以供瞭望等項惟日不給萬萬難濟捲堵築隄其盧氏固始等縣離河原遠預估工程每歲皆以本府爲主本府不足然後漸次調協儻數年之間近府俱經調過然後再調遠府以寬近河民力等因具題前來查得部臣調議與河南前任按臣李及秀所陳之款事同一體既經總河會同河南撫按酌妥除衝決大工外至於歲修分爲三分數年之間始一輪流調用庶民有餘力勞逸得均相應如議永爲定例仍請敕下總河臣與河南撫臣嚴飭道府嗣後凡遇修築照議調用徭役旣平而河工可以無誤如未調之先有司於額數之外擅行

加派該督撫按指名參處可也奉旨依議

順治十八年十月總河朱之錫題查兩岸堡夫率皆取之傍河居民既已効力河干何堪復充別役所有本身門夫雜差似應量與豁免以示體恤至於劈柴一項嚴禁已久併堡夫應辦課程俱經前撫臣賈漢復於懋陳堡夫之劇累等事疏內查明具題部覆奉旨案相應仍照部咨通飭遵行者也又遠郡之夫役宜免河夫苦役凡人之情未有不好逸而惡勞但堵塞大工尙不免調及各省每年歲修夫數雖少遠地旣曰宜卹近者又曰河患原關通省不宜偏累近地之民臣前覆接臣李粹然河夫之派當更等事一疏河南一省原係分別遠近照地出夫其在五百里外者仍議間年始一調用未嘗不曲示寬卹至云免



發河夫派以供兵喂馬等役則差徭更有分隸遠近未必相當彼此紛紜似屬不便現今按臣劉源濬復有免夫解銀之議容臣會同撫臣另議具題以聽部覆可也又建廠貯料仍設廠書以資登記設廠夫以資看守原係舊例今議廠書卽於河官書手內選充廠夫卽於河夫正身內殷實守法者選充工食不必別議而責成旣切稽核自是倍嚴矣

聖祖康熙十二年三月工部議河南巡撫佟鳳彩疏稱河夫之偏累奉旨九卿科道會議具奏九卿等會議當日歲修派夫供役原動河銀支給於順治十八年停其支給銀兩今若仍行派夫修理似屬累民應將豫省河夫停其簽派如遇歲修工程仍動河道錢糧僱覓夫役若錢糧不敷該撫應動某項錢糧具題

可也奉旨依議

康熙十六年總河靳輔議在河南開封府屬募夫一萬三千名歸德府屬募夫八千名於清江浦河身兩旁近水之處離水三丈各挑引水河一道

靳文襄公治河書曰舊制沿河隄岸額設河夫以供修防之役然有司按籍簽點必假手於吏胥由吏胥而及之鄉長里甲大都冒張虛數臨時倩應老弱故名存實亡而功以隳也今改設河兵八營營領以守備遞爲千把總一以軍政部署之其無故除補有報逐日力作有程各畫界而守計功而作視其勤惰而賞罰行焉有事則東西并力彼此相援無事則索綯蕪柳巡視狐獾窟穴較額夫舊制有條而不紊有實而

可覈矣然守弁惟以督率興作爲務至於錢糧出入稽查商  
權非文職不可故有一備卽有一廳員監之然後文武相資  
而事易集焉

康熙二十二年五月總河靳輔題爲請修上流隄岸事工部議  
得河南開封歸德兩府隄工通長一千餘里附近州縣原有歲  
修人夫每年加修頗稱鞏固前撫佟鳳彩具題歸官僱夫修理  
之後民旣膜視罔顧而官復畏難不勤修理以致工程漸壞自  
康熙二十一年以前江南決口未堵上流不致十分壅滯今江  
南決口全堵除核減水壩之外更無旁洩之途江南費過如許  
金錢甫有頭緒設或河南一有疏失則前功盡棄伏乞敕下巡  
撫將開封府歸德府兩岸隄工徧勘某處高厚堅寬可以不修

某處卑矮窄薄斷須加修某處極險或仍照往例撥歲修人夫  
興築或照近例動帑興築上流既保無虞下流得以刷深方爲  
萬全之計查康熙十二年原任河南巡撫佟鳳彩將河南河夫  
停止簽派經九卿會議修理河隄若仍行派夫似屬累民如遇  
歲修工程勒支河道錢糧僱夫若錢糧不敷應動何項錢糧之  
處該撫具題應將撥夫之處勿庸議河道係總河專責不便止  
交河南巡撫相應敕下總河河南巡撫如果有卑矮窄薄極險  
應修之處會同詳定一面估題一面動歲修河庫錢糧務須盡  
心鼓勵各官修理堅固永保無虞奉旨隄岸工程專令河南巡  
撫暫行料理如有應會同總河事情仍移文商權勿致貽誤

康熙二十四年九月總河靳輔題爲請豁免堡夫課程柳料以

甦苦累事工部議得先經河南巡撫王日藻疏稱豫省黃河漿澤至虞城額設堡夫九百餘名所給工食甚少而每夫每年納柳一百束糶十觔芟三十套纜二十條計其所納課程之費過倍於工食之數因之相率逃亡河務廢弛乞將堡夫課程概行蠲免專令防守隄岸餘閒栽柳灌溉儻遇埽工令協採隄園官柳具題臣部以柳糶等物關係河工應行總河靳輔將堡夫課程應否豁免及免此課程而豫省河務有無貽誤之處會同詳確定議具題續據靳輔會同河南巡撫王日藻疏稱各夫盡力所備物料久收朽壞別工忽然取用不得不從新另賠於是苦累至極勢必相率逃亡反將本等力役廢弛乞將課程豁免庶豫省實行裨益並無貽誤臣等查得總河靳輔疏稱河南額設

堡夫工食每名每歲止給銀三兩八錢有奇論其力役則灌溉隄園官柳修補隄工殘缺實不能閒自辦納課程而堡夫苦累不能堪矣將柳貯於隄旁日見損失蹂躪此柳一日不交工堡夫一日不能釋負久貯之柳多年不用變成灰土無益於工反將修補殘缺等力役盡行廢弛臣因柳束久貯變成灰土僱船運來江南爲歲修工用柳價盡爲水腳尙苦不足亦甚非計臣於康熙二十二年曾經題請豁免部議不准究竟有課程之虛名而無用柳之實際反弛堡夫實在力役伏乞自康熙二十四年爲始概予除免庶夫力稍甦修防不廢有裨河道民生良非淺鮮等因會同河南巡撫具題前來查順治十三年原任管河道方大猷條奏責令各夫每年種植柳麻等項於各縣河衙門

公收入場毋致沓爛等因在案應行該督將此柳麻等項於河南隄工處所每年應用之數餘贖之數查明具題奉旨依議

康熙四十年三月部覆河南巡撫徐潮題臣等議得臺臣李

奏稱自戴家樓起至儀封交界止隄工三十里計長五千餘

丈係河南考城縣地方康熙二十五年歸併曹縣修理請仍歸

河南考城縣官民修築等因今據河南巡撫徐潮會同山東巡

撫王國昌疏稱查此工乃前任河臣靳輔奏以河南考城縣北

岸隄工五千餘丈界連山東曹縣境內所衛者係曹縣之地換

歸曹縣就近修防歷今十有餘年深有益於運道民生應仍遵

照題定改換之成規但查曹邑換歸隄工考邑已協夫五十名

茲再議於南北兩岸各縣鄉堡夫內抽撥夫四十名共工食銀

一百四十四兩同協夫銀一百八十兩共銀三百二十四兩移歸曹縣僱夫取具曹縣印領報銷等因前來應均如該撫等所題可也奉旨依議

世宗雍正二年十一月署河南巡撫布政使田文鏡奏豫省黃河南北兩岸隄工設有堡夫九百七十四名住宿沿河大隄堡房晝夜看守誠不可一日乏人嗣因連年黃水泛漲隄工在在危險額設人夫不敷驅使復調江南河兵一千名協力防護所以今年秋汛水勢倍常隄工堅固是河兵之設以濟堡夫之不足未便因設兵而遽可裁夫也臣前因河臣齊蘇勒請增豫省河員等事原題內有過秋汛裁汰堡夫之語曾向撫臣石文焯副總河嵇曾筠議及後兵科給事中管河道陳世倌到任復與



言應將堡夫仍留工所儻遵照部議裁汰不免防守乏人或致貽誤今據陳世倬奏請停裁仰蒙諭旨著臣具題臣查堡夫二項皆係永遠土著水勢緩急隄岸情形無不深知且挖尋籬洞鼠穴狼窩蟄陷尤其所長或猝有險要搬運泥土竭力填塞非堡夫不能勝任至於新設河兵雖廂填釘椿捲埽下埽固所熟諳然風防雨守寒暑無間晝夜巡視不辭勞苦者總不如堡夫況今加幫大隄工程綿長千有餘里又係新築之工正須兵夫兼用協力防禦方有實效所有原設堡夫斷難議裁

河渠紀聞曰黃河堡夫除寒暑兩月外月積土十五方責成汛官查報河兵在埽壩力作霜降後工務稍閒兩月照堡夫每二名月積土十五方河兵所積之土入於該備冊報立法

詳密然爲堡夫計守堡憂室家之累離堡羅曠役之譴或官查而始來應名或謀生而時不到汎皆事所必有有堡夫之名而無其實與無堡同一夫數口日食不敷勢難道之安役惟籌其養贍使得安心出力而後堡不圯而夫可用也近隄淤出官地按名量給以資耕作黃河日漸淤高隄前臨河高者出土六七尺隄後黃水不至舊制猶存高者出土二三尺低者不及二尺歲修祇加培隄前因隄後工倍費重例不估修今照隄前較量六七尺以下之隄皆爲空虛無用之地每堡二里得隄坡三千餘丈令堡夫自種棗棗果實數年成活落實歲可得數十金堡夫自顧生計挈眷看守棗結實時正當伏秋公私兩得其益不待驅迫而自赴功也隄內外十丈

皆屬官地督令勤種柳枝照六柳之例多方培植空地間種  
蔬菜禾豆爨食有資誰不樂赴然其責任則在員弁鼓舞善  
導不侵其所有不責其所無而人皆用命矣

雍正十三年議定東河弁目兵夫照南河例按月積土挖泊糴  
鼠洞穴

河渠紀聞曰河工有事極微細而竟成大事者莫如老隄之  
糴鼠洞穴糴洞尤大出水尤猛鼠穴雖小初出甚微及至潰  
大往往赴救不及此汛兵堡夫專任搜捕者也莊敏高斌初

蒞官河東首重防汛課兵夫積土挖捕糴鼠其洞穴屈曲穿  
透之處務令刨挖到底填築堅實所獲糴隻持耳尾呈驗給  
賞獎勸誠知其重也兵夫住宿隄上挑積土牛以備不時之

需照南河堡夫河兵積土牛人備弁交代項下不足數將該管廳營汛參處慎重隄防工無遺事人無遺力久安長治之道也

高宗乾隆五年豫省酌改糴兵捕糴固隄

河渠紀聞曰酌改糴兵捕糴尤爲防險之大要疏稱糴鼠潛藏大爲隄患地鼠爲物尙小行亦不遠兵夫張弓伏弩應手而獲至野糴性狡善走宵行晝伏一窟藏身一窟貯食彎環深邃莫知其處惟伺其遊行尾追先驅獐犬逐鬪隨用鐵叉擒獲非慣於察捕者不能有本汛河兵不能捕糴附近居民能捕者名爲糴戶應於額設河兵內每汛酌改捕糴步兵二名令專司捕糴俟有步糧名缺卽令頂捕該汛員弁令在本

汎常以實力察捕民人有察知蹤跡或新舊窳洞報知廳汎  
另行優賞務絕根株不使孽生繁育延及河隄永慶磐石之  
安矣鼠穴在隄頂二三尺內穴淺易捕且必至漲水平隄始  
顯其患卽患旣生而其穴尙小猶易爲力至窳洞伏於隄根  
寬大難治不待水長平隄卽足爲患及患成而後塞之水已  
衝刷成渠往往補救不及歷來黃河口岸大半由此黃河賴  
大隄爲屏障如雨淋水溝及支河注浦風浪衝激顯露於外  
者猶知防護惟窳鼠洞穴隱藏於內草深地僻人跡罕到之  
處尤易潛伏一遇水到隄根卽成患所謂千金之隄潰於  
蟻穴也

乾隆二十六年八月諭張師載奏堵築楊橋漫口單內僱覓人

夫一事現在工程重大勢不得不資用民力今仿以工代賑之例令附近被水各州縣傳集人夫計工給值災民既得餬口工務亦可速竣於公私皆有裨益但不得令吏胥人等從中滋弊致閭閻被水之餘復以苛派貽累此事專交與常鈞妥辦將來如有未協惟該撫是問

乾隆五十九年七月李奉翰奏查豫省黃河南北兩岸十廳額設河兵共一千九百有四名每廳自一百五六十名至三百一十名不等惟蘭儀廳僅存八十二名每當大汛暫於別廳調撥緩不濟急今請於各廳兵丁較多工務稍減之處添撥河兵六十八名歸蘭儀廳力作俾敷各工修防之用

仁宗嘉慶十八年十月廣厚戴均元奏臣等於初五日將睢工

購料集夫情形及擬請緩辦緣由繕摺馳奏後奉諭此次漫口工程自應剋期堵合但興舉大工必須鳩集人夫目下河北賊匪滋事地方距工次不遠難保無竄逸零匪溷跡其中現在該處購料維艱工次料垛最關緊要該匪狡計多端設潛往焚燬或乘間擄掠所關匪細著戴均元抵任後與廣厚會同籌酌先將漫口裹頭做好從容購料工次人夫無須太多擇附近村莊樸實可信者量爲僱募務須萬分留意爲要俟河北賊匪掃除將淨再多集人夫剋期進占並可將失業難民以工代賑該河督斟酌機宜妥協辦理可也又初六日奉諭昨因睢汛工次與河北賊氛相距不遠諭令將漫口工程緩辦不必多集人夫茲朕再四熟思該處與賊氛甚近設所募人夫中潛匿賊匪或有

乘間焚掠之事所關匪細看來現在工程竟以停辦爲是著戴  
均元督率在工員弁將且做裏頭廂護穩固毋任復有塌仰其  
應備料物暫停採辦如已採運到工妥爲安置或撥派兵役嚴  
加防守勿稍疏虞所撥工需銀兩陸續解到實貯開封藩庫毋  
任存留工次